



ევროკავშირი  
საქართველოსთვის  
The European Union for Georgia



ინიციატივა მონწყვლილი ჯგუფების  
რეაბილიტაციისათვის  
Rehabilitation initiative for  
vulnerable groups



# პატიმრების კონტაქტი ბარე სამყაროსთან

სამაგიდე კვლევა





ევროკავშირი  
საქართველოსთვის  
The European Union for Georgia



ინიციატივა მონწყვლადი ჯგუფების რეაბილიტაციისთვის  
Rehabilitation initiative for vulnerable groups



## პატიმრების კონტაქტი გარე სამყაროსთან

წინამდებარე სამაგიდო კვლევა მოამზადა ორგანიზაციამ „ინიციატივა მონწყვლადი ჯგუფების რეაბილიტაციისთვის“ (ავტორი: ნატალია ცაგარელი). კვლევა ჩატარდა ევროკავშირის ფინანსური მხარდაჭერით, „ციხის საერთაშორისო რეფორმის სამხრეთ კავკასიის ოფისის პროექტის – „სასჯელაღსრულებისა და პრობაციის რეფორმების ხელშეწყობა და მონიტორინგი სამოქალაქო საზოგადოების ჩართულობით“ ფარგლებში. დოკუმენტის შინაარსზე სრულად პასუხისმგებელია ავტორი და ტექსტში გადმოცემული მოსაზრებები არცერთ ვითარებაში არ შეიძლება ჩაითვალოს დონორის, „ციხის საერთაშორისო რეფორმის“ ან მისი პარტნიორი ორგანიზაციების პოზიციის გამომხატველად.

The publication has been produced by Rehabilitation Initiative of Vulnerable Groups (Author: Natalia Tsagareli) within the framework of the EU funded project “Monitoring Government’s Commitments and Promoting Penal Reforms through the Engagement of CSOs” which is implemented by Penal Reform International South Caucasus Regional Office. The contents of this document is the sole responsibility of the Author and can in no circumstances be regarded as reflecting the position of either the donor or Penal Reform International, or its partner organisations.

# სარჩევი

შესავალი .....	5
ძირითადი მიგნებები და რეკომენდაციები.....	5
საერთაშორისო სტანდარტები .....	6
- ქალი მსჯავრდებულების კონტაქტი გარე სამყაროსთან .....	8
- არასრულწლოვანი მსჯავრდებულების კონტაქტი გარე სამყაროსთან .....	9
- ბრალდებულის კონტაქტი გარე სამყაროსთან .....	10
ადგილობრივი კანონმდებლობა .....	10
კვლევების მეორადი ანალიზი .....	21
სახალხო დამცველის ანგარიშების მეორადი ანალიზი .....	21
სტატისტიკური ინფორმაცია .....	22

# შესავალი

გარე სამყაროსთან კონტაქტს უდიდესი მნიშვნელობა აქვს ბრალდებულისა და მსჯავრდებულისთვის. დახურულ ინსტიტუციაში ყოფნა თავისთავად დამთრგუნველია და დაკავშირებულია ფსიქოლოგიურ სირთულეებთან, პენიტენციურ სტრესთან. ბრალდებულთა/მსჯავრდებულთა დიდ ნაწილს უჭირს დახურულ სივრცესთან ადაპტირება, პენიტენციური დაწესებულების რუტინასთან შეგუება, შესაბამისად, მათი სრული იზოლაცია დაუშვებელია და ამ პროცესში გარე სამყაროსთან კავშირის შენარჩუნებას მნიშვნელოვანი როლი ეკისრება. იმისათვის, რომ ბრალდებულმა/მსჯავრდებულმა შეინარჩუნოს კავშირი ოჯახთან, გარე სამყაროსთან და დაწესებულების დატოვების შემდეგ მაქსიმალურად გაუადვილდეს საზოგადოებაში რეინტეგრაცია, კონტაქტის სხვადასხვა ფორმის და საშუალების აქტიურად გამოყენება განსაკუთრებით მნიშვნელოვანია. ქვემოთ მიმოვიხილავთ გარე სამყაროსთან კონტაქტის შესახებ არსებულ საერთაშორისო სტანდარტებს, საქართველოში მოქმედ ადგილობრივ კანონმდებლობას და შევაჯამებთ საქართველოს სახალხო დამცველის მიერ წლების განმავლობაში გაკეთებულ შეფასებებს ბრალდებულების/მსჯავრდებულების მხრიდან გარე სამყაროსთან კომუნიკაციის კუთხით არსებული გამონწვევების შესახებ.

## ძირითადი მიზნები და რეკომენდაციები

არსებული ვითარების მიმოხილვის შედეგად, შესაძლებელია ითქვას, რომ გარე სამყაროსთან კონტაქტის უზრუნველყოფის კუთხით, არსებობს როგორც საკანონმდებლო, ასევე პრაქტიკული საკითხები, რომლებიც გაუმჯობესებასა და საერთაშორისო სტანდარტებთან მიახლოებას საჭიროებს. კერძოდ:

- მნიშვნელოვანია შევიდეს ცვლილება პატიმრობის კოდექსში და განსაკუთრებული რისკის დაწესებულებაში მოთავსებულ მსჯავრდებულებს მიეცეთ ვიდეოპაემნით სარგებლობის უფლება;
- მნიშვნელოვანია მთელ რიგ დაწესებულებებში (N2, N3, N6, N7, N8, N9, N12, N14, N15, N16, N17, N18, N19) ხანმოკლე პაემნები განხორციელდეს მინის ბარიერის გარეშე, რათა ბრალდებულებს/მსჯავრდებულებს მიეცეთ მნახველებთან უშუალო კომუნიკაციის უფლება.
- მნიშვნელოვანია ქალ ბრალდებულებს/მსჯავრდებულებს შეეძლოთ დროის აკუმულირება და გამოუყენებელი ხანმოკლე პაემნის დროის დამატება პაემნის განხორციელებისას, ვინაიდან ხშირად მსჯავრდებული ქალების სახლთან ახლოს განთავსება არსებული ინფრასტრუქტურის გამო ვერ ხერხდება და ოჯახის წევრები ვერ ახერხებენ ხშირად მათ მონახულებას; სამინისტროდან მიღებული პასუხი იმის შესახებ, რომ არ არსებობს სტატისტიკა რამდენი პირის შემთხვევაში მოხდა მათი განთავსება საცხოვრებელ სახლთან ახლოს მდებარე პენიტენციურ დაწესებულებაში, გვაფიქრებინებს, რომ ამ ფაქტორის გათვალისწინება არ ხდება.
- მიზანშეწონილია არასრულწლოვან მსჯავრდებულებს პაემნის უფლებით სარგებლობა შეეძლოთ უქმე დღეებშიც (ვინაიდან ხშირად სამუშაო დღეებში მათი ახლობლები სამსახურში დაკავებულობის გამო ვერ ახერხებენ მათ მონახულებას).
- მნიშვნელოვანია N18 დაწესებულებაში მოთავსებული მსჯავრდებულებისთვის უზრუნველყოფილი იყოს ხანგრძლივი პაემნის ორგანიზება დაწესებულებებში ხანგრძლივი პაემნის ინფრასტრუქტურის შექმნის საშუალებით.
- ამ ეტაპზე ვიდეოპაემნისთვის საჭირო ინფრასტრუქტურა არსებობს მხოლოდ შვიდ პენიტენციურ დაწესებულებაში; მნიშვნელოვანია ვიდეოპაემნისთვის საჭირო ინფრასტრუქტურის მოწყობა N2, N3, N6, N7, N9, N12, N18 და N19 დაწესებულებებში.
- როგორც პრევენციის ეროვნული მექანიზმის მონიტორინგის შედეგებიდან ირკვევა, არსებობს სატელეფონო ზარების კონფიდენციალურობის პრობლემა (თუმცა სპეციალური პენიტენციური დეპარტამენტი უარყოფს აღნიშნულ ფაქტს), შესაბამისად დახურული ტიპის დაწესებულებებში უზრუნველყოფილი უნდა იქნას ტელეფონების მოთავსება ისეთ ადგილას, სადაც პატიმარს შესაძლებლობა ექნება სატელეფონო ზარი განახორციელოს დაწესებულების თანამშრომლის მიყურადების გარეშე.
- მნიშვნელოვანია ასევე სამართლო საკანში მოთავსებულ ბრალდებულს/მსჯავრდებულს მიეცეს სახალხო დამცველთან სატელეფონო ზარის, ასევე ბრალდებულს/მსჯავრდებულს მიეცეთ ღამის საათებში მათთან დაკავშირების უფლება.

- მნიშვნელოვნად უნდა გაუმჯობესდეს ბიბლიოთეკების მომარაგება სხვადასხვაენოვანი ლიტერატურით, ასევე სომხურენოვანი და ინგლისურენოვანი არხები ხელმისაწვდომი გახდეს უფრო მეტ დანესებულებაში.
- მიზანშეწონილია კანონმდებლობაში შევიდეს ცვლილება და ქალებს უფლება მიეცეთ სატელეფონო საუბარი და მიმოწერა იქონიონ სხვა პენიტენციურ დანესებულებაში განთავსებულ მეუღლეებთან/პარტნიორებთან/ოჯახის წევრებთან.
- მნიშვნელოვანია კანონმდებლობაში შევიდეს ცვლილება, რომლის მიხედვითაც გაუქმდება ტელევიზორისა და რადიომიმღების აკრძალვა, როგორც დისციპლინური პასუხისმგებლობის ზომა, ასევე დისციპლინურ სახდელდადებულ პატიმრებს არ შეეზღუდებათ ვიდეოპაემნით სარგებლობის უფლება.

## საერთაშორისო სტანდარტები

საერთაშორისო სტანდარტების თანახმად, პატიმრებს უნდა მიეცეთ ნებართვა, რაც შეიძლება ხშირად იქონიონ ურთიერთობა თავიანთ ოჯახებთან, სხვა პირებთან და გარე ორგანიზაციების წარმომადგენლებთან წერილით, ტელეფონით თუ კომუნიკაციის სხვა საშუალებით, ასევე ისარგებლონ ამ ადამიანებთან პაემნის უფლებით. კომუნიკაციები და პაემნები შეიძლება დაექვემდებაროს შეზღუდვებსა და მონიტორინგს, რომელიც საჭირო იქნება სისხლის სამართლის გამოძიების გასაგრძელებლად, წესრიგის შესანარჩუნებლად, უსაფრთხოებისა და უშიშროების უზრუნველსაყოფად და სისხლის სამართლის დანაშაულთა აღსაკვეთად, დანაშაულის მსხვერპლთა დასაცავად, თუმცა სასამართლო ხელისუფლების მიერ დანესებული ასეთი შეზღუდვები, უნდა აკმაყოფილებდეს კონტაქტის დასაშვებ მინიმალურ დონეს. ეროვნული კანონმდებლობა უნდა აკონკრეტებდეს ეროვნულ/საერთაშორისო ორგანოებს და თანამდებობის პირებს, რომლებთან კომუნიკაციაც პატიმრებს არ უნდა შეეზღუდოდ. ციხის ადმინისტრაცია უნდა დაეხმაროს პატიმრებს გარე სამყაროსთან ადეკვატური კონტაქტის შენარჩუნებაში და უნდა უზრუნველყოს ისინი შესაბამისი მხარდაჭერით.

ნებისმიერი ინფორმაცია პატიმრის ახლო ნათესავის გარდაცვალების ან სერიოზული ავადმყოფობის შესახებ დაუყოვნებლივ უნდა ეცნობოს პატიმარს. როდესაც გარემოებები იძლევა ამის საშუალებას პატიმარს უფლება უნდა მიეცეს დატოვოს ციხე ან ბადრაგის თანხლებით ან მარტომ, ავადმყოფი ნათესავის მოსანახულებლად, ნათესავის გარდაცვალების შემთხვევაში, ან სხვა მიზნით. პატიმრებს უნდა მიეცეთ საშუალება დაუყოვნებლივ შეატყობინონ თავიანთ ოჯახებს და პატიმრების, სხვა დანესებულებაში გადაყვანის, ან სერიოზული დაავადებისა თუ დაზიანების შესახებ. ციხეში პატიმრის მიყვანისას, ასევე პატიმრის გარდაცვალებისას, მისი მძიმე ავადმყოფობის, ან საავადმყოფოში პატიმრის გადაყვანის შემთხვევაში, ციხის ადმინისტრაციამ ამის შესახებ დაუყოვნებლივ უნდა აცნობოს მის მეუღლეს ან პარტნიორს, ან თუ პატიმარი დაუოჯახებელია, მის უახლოეს ნათესავს ან პატიმრის მიერ დასახელებულ პირს, გარდა იმ შემთხვევისა, როდესაც პატიმარმა თვითონ ითხოვა შეუტყობინებლობა. პატიმრებს უნდა მიეცეთ საშუალება რეგულარულად შეიტყონ საზოგადოებრივი საქმეების შესახებ, ამისათვის გამოიწერონ და იკითხონ გაზეთები, პერიოდული გამოცემები და სხვა პუბლიკაციები, მოუსმინონ რადიოს ან სატელევიზიო გადაცემებს, გარდა იმ შემთხვევისა, როდესაც გარკვეული პერიოდის განმავლობაში, ინდივიდუალურ შემთხვევაში კონკრეტული აკრძალვაა დანესებული სასამართლო ხელისუფლების მიერ. პატიმრებს უნდა მიეცეთ მას-შედიასთან ურთიერთობის ნებართვა, თუკი არ არსებობს ასეთი კომუნიკაციის აკრძალვის ანგარიშგასაწვევი მიზეზი უსაფრთხოებისა და უშიშროების მოსაზრებებიდან გამომდინარე, რომელიც განპირობებულია საზოგადოებრივი ინტერესით ან დაზარალებულის თუ სხვა პატიმრების ან პერსონალის დაცვის ინტერესებით.<sup>1</sup>

გარდა იმ შემთხვევისა, როდესაც არსებობს სასამართლოს სპეციალური გადაწყვეტილება დროის განსაზღვრულ პერიოდზე და კონკრეტულ შემთხვევებზე, მიუსჯელ პატიმრებს უნდა ჰქონდეთ ვიზიტები და იყვნენ უფლებამოსილნი იკონტაქტონ საკუთარ ოჯახთან და სხვა პირებთან ისეთივე წესების დაცვით, როგორც მისტილმა პატიმრებმა; უნდა გააჩნდეთ დამატებითი ვიზიტები და დამატებითი ხელმისაწვდომობა სხვა სახის კომუნიკაციაზე; უნდა გააჩნდეთ ხელმისაწვდომობა წიგნებზე, გაზეთებსა და სხვა საინფორმაციო საშუალებებზე.<sup>2</sup>

1 ევროპის საბჭოს მინისტრთა კომიტეტის რეკომენდაცია REC(2006)2 წევრი სახელმწიფოებისადმი ევროპულ ციხის წესებთან დაკვირვებით (მიღებულია მინისტრთა კომიტეტის მიერ 2006 წლის 11 იანვარს მინისტრთა მოადგილეების 952-ე შეხვედრაზე), მუხლი 24.

2 ევროპის საბჭოს მინისტრთა კომიტეტის რეკომენდაცია REC(2006)2 წევრი სახელმწიფოებისადმი ევროპულ ციხის წესებთან დაკვირვებით (მიღებულია მინისტრთა კომიტეტის მიერ 2006 წლის 11 იანვარს მინისტრთა მოადგილეების 952-ე შეხვედრაზე), მუხლი 99.

„მანდელას წესების“ თანახმად, პატიმარს უფლება აქვს, აუცილებელი ზედამხედველობის ქვეშ, დროის რეგულარული შუალედებით ურთიერთობა იქონიოს ოჯახთან და მეგობრებთან წერილობითი გზით, ან თუ ეს შესაძლებელია, ტელეკომუნიკაციის, კომუნიკაციის ელექტრონული, ციფრული და სხვა სახის საშუალებების მეშვეობით, ასევე ვიზიტების (პაემნების) მეშვეობით. სადაც ხანგრძლივი პაემნები ნებადართულია, მათი გამოყენება უნდა ხდებოდეს დისკრიმინაციის გარეშე, ხოლო ქალები ამ უფლებით უნდა სარგებლობდნენ მამაკაცებთან გათანაბრებული პირობებით. ვიზიტის განხორციელებისთვის საჭიროა, არსებობდეს დადგენილი პროცედურები, ხოლო ვიზიტებისთვის გათვალისწინებული შენობა უნდა უზრუნველყოფდეს სამართლიან და თანაბარ ხელმისაწვდომობას, უსაფრთხოებისა და ღირსების დაცვით.<sup>3</sup>

პატიმრების განთავსება შეძლებისდაგვარად უნდა ხდებოდეს მათ საცხოვრებელთან ან სოციალური რეაბილიტაციის ადგილებთან ახლოს. ციხის ტერიტორიაზე მნახველთა დაშვება დამოკიდებულია შემონების გავლასთან დაკავშირებით მათ თანხმობაზე. მნახველს შეუძლია ნებისმიერ მომენტში შეცვალოს გადაწყვეტილება და უარი თქვას შემონების გავლაზე. ასეთ შემთხვევაში, ციხის ადმინისტრაცია უფლებამოსილია, უარი უთხრას მას ციხის ტერიტორიაზე დაშვებაზე. მნახველთა დაშვების პროცედურები და შემონება არ უნდა იყოს დამამცირებელი. მაქსიმალურად უნდა იქნეს არიდებული სხეულის სიღრმისეული შემონება და იგი არ უნდა გამოიყენებოდეს ბავშვების მიმართ.<sup>4</sup>

ნებისმიერი პატიმარი უზრუნველყოფილი უნდა იქნას შესაბამისი შესაძლებლობით კომუნიკაცია და კონსულტაციები იქონიოს დამცველთან დაყოვნების, მოსმენისა და ცენზურის გარეშე, სრული კონფიდენციალობის დაცვით და მოქმედი ეროვნული კანონმდებლობის შესაბამისად. კონსულტაციები შესაძლოა, მიმდინარეობდეს ციხის ადმინისტრაციის მხედველობის არეში, მაგრამ არა სმენის ფარგლებში. ისეთ შემთხვევებში, როდესაც პატიმარი არ ლაპარაკობს ადგილობრივ ენაზე, ციხის ადმინისტრაცია ვალდებულია, უზრუნველყოს დამოუკიდებელი და კომპეტენტური თარჯიმნის მომსახურება. როგორც სპეციალური პენიტენციური დეპარტამენტიდან მოწოდებულ წერილშია აღნიშნული, იმ ბრალდებულთათვის/მსჯავრდებულთათვის, რომლებიც არ ფლობენ სახელმწიფო ენას, ხელმისაწვდომია შესაბამისი ენის სპეციალისტის უფასო მომსახურება, თუმცა კითხვაზე რომელი ენის მცოდნე პირები და რომელ დაწესებულებებშია ხელმისაწვდომი, ინფორმაციის მოწოდება არ განხორციელებულა.

უცხოელ პატიმრებს უნდა შეექმნათ პირობები მათი ქვეყნის დიპლომატიურ ან საკონსულო წარმომადგენლებთან ურთიერთობისათვის. პატიმრებს, რომლებიც ისეთი ქვეყნიდან არიან, რომელთაც არ გააჩნიათ დიპლომატიური ან საკონსულო წარმომადგენლობა, აგრეთვე ლტოლვილებს ან მოქალაქეობის არმქონე პირებს, უნდა ეძლეოდეთ კონტაქტების ასეთივე საშუალება იმ ქვეყნის დიპლომატიურ წარმომადგენლობასთან, რომელიც თავის თავზე იღებს მათი ინტერესების დაცვას ან ნებისმიერ ეროვნულ ან საერთაშორისო ორგანიზაციასთან, რომლის ფუნქციებშიც შედის ასეთი პირობების დაცვა.<sup>5</sup>

პატიმრებს უნდა ჰქონდეთ იმის საშუალება, რომ რეგულარულად გაეცნონ ახალი ამბების ყველაზე მნიშვნელოვან სეგმენტს, გაზეთების, პერიოდული ან სპეციალური საუწყებო პუბლიკაციების, რადიოს, ლექციების ან სხვა ისეთი საშუალებებით, რომლებიც ნებადართული და კონტროლირებადია ადმინისტრაციის მიერ. ყოველ დაწესებულებაში უნდა არსებობდეს ბიბლიოთეკა, რომელიც დააკმაყოფილებს ყველა კატეგორიის პატიმრის მოთხოვნებს. ის უნდა იყოს ადეკვატურად მომარაგებული როგორც მხატვრული, ისე სპეციალური ლიტერატურით.<sup>6</sup>

იმ დაწესებულებებში, სადაც საკმარისი რაოდენობით არიან ერთი სარწმუნოების პატიმრები, უნდა დაინიშნოს იმ კულტის კვალიფიციური მსახური, ან მიეცეს შესაბამისი რიტუალების ჩატარების უფლება. თუ ამგვარი პატიმრების რიცხვი საკმაოდ დიდია და არსებობს შესაძლებლობა, ასეთი კულტის მსახური უნდა დაინიშნოს სრული განაკვეთით. კულტის მსახურს, რომელიც დაინიშნება ან დაშვებული იქნება დაწესებულებაში უნდა ჰქონდეს იმის შესაძლებლობა, რომ ჩაატაროს რელიგიური რიტუალები და ამისთვის გამოყოფილ დროს, რელიგიურ თემებზე სასაუბროდ პერიოდულად განმარტობით შეხვდეს მისი სარწმუნოების წარმომადგენელ პირებს. არ შეიძლება პატიმრების შეზღუდვა ნებისმიერი სარწმუნოების კვალიფიციურ წარმომადგენელთან ურთიერთობაში. მეორეს მხრივ, თუ პატიმარი აპროტესტებს კულტის მსახურის ვიზიტებს, მისი პოზიცია სრული პატივისცემით უნდა იქნას აღქმული. შესაძლებლობის ფარგლებში, ყველა პატიმარს უნდა ჰქონდეს თავისი რელიგიური მოთხოვნილებების დაკმაყოფილების საშუალება. მას უნდა შეეძლოს დაწესებულების შიგნით რელიგიურ რიტუალებში მონაწილეობა და გააჩნდეს საჭირო რელიგიური ლიტერატურა.<sup>7</sup> სპეციალური პენიტენციური სამსახურიდან მიღებულ წერილში აღნიშნულია, რომ ბრალდებულებს/მსჯავრდებულებს განურჩევლად რასისა, კანის ფერისა, ენისა, სქესისა, რელიგიისა, ეროვნული და სოციალური კუთვნილებისა, აქვთ საშუალება სურვილისამებრ შეხვდნენ სხვადასხვა რელიგიის/კულტის წარმომადგენლებს. მათი განცხადებით, პენიტენციურ დაწესებულებებში 2014-2018

3 გაეროს მინიმალური სტანდარტული წესები პატიმრებთან მოპყრობის შესახებ (ნელსონ მანდელას წესები), წესი 58.

4 იქვე, წესი 59-60.

5 გაეროს მინიმალური სტანდარტული წესები პატიმრებთან მოპყრობის შესახებ (ნელსონ მანდელას წესები), წესი 61-62.

6 იქვე, წესი 63-64.

7 იქვე, წესი 65-66.

ნლებში ვიზიტს ახორციელებდნენ სხვადასხვა რელიგიის/კულტის წარმომადგენლები. თუმცა 2014-2018 წლების დეტალური სტატისტიკა გადმოგზავნილი არ ყოფილა (არ მუშავდება).

„განსაკუთრებული ყურადღება უნდა დაეთმოს პატიმარსა და მის ოჯახს შორის კავშირების შენარჩუნებას და განმტკიცებას, რაც ემსახურება ორივე მხარის ინტერესებს. პატიმრობის დასაწყისიდანვე საჭიროა მომავალზე ფიქრი, რომელიც ელის პატიმარს ციხიდან გამოსვლის შემდეგ. ამიტომ მას უნდა გაეწიოს დახმარება იმ პირებთან და უწყებებთან ურთიერთობების შენარჩუნებასა და გამყარებაში, რომლებიც ციხის გარეთ არიან, რომლებსაც შეუძლიათ დაიცვან მისი ოჯახის ინტერესები და ხელი შეუწყონ მის საზოგადოებრივ ცხოვრებაში ჩართვას გათავისუფლების შემდეგ.“<sup>8</sup>

ევროსაბჭოს მინისტრთა კომიტეტის რეკომენდაციით, მიმონერა, სატელეფონო ზარები და პაემნები მაქსიმალური სიხშირითა და პრივატულობის სრული დაცვით უნდა იქნას დაშვებული. თუ არსებობს გარკვეული საფრთხე, ან რისკის შეფასება იძლევა საფუძველს, შესაძლებელია ამ კონტაქტების განხორციელებას ახლდეს გარკვეული უსაფრთხოების ღონისძიებების გამოყენება, როგორც არის მაგალითად მიმონერის მონიტორინგი ან პაემანზე შემომსვლელ პირთა შემოწმება როგორც შემოსვლისას, ასევე გასვლისას. ხელი უნდა შეეწყოს ასევე გარე სამყაროსთან კომუნიკაციის ისეთ საშუალებებს, როგორცაა გაზეთებზე, რადიოსა და ტელევიზორზე, გარედან შემომსვლელ პირებთან კომუნიკაციაზე ხელმისაწვდომობა. განსაკუთრებული ძალისხმევა უნდა იქნას გაწეული ციხიდან ხანმოკლე გასვლის სხვადასხვა ფორმების გამოყენებისთვის.<sup>9</sup>

## ქალი მსჯავრდებულების კონტაქტი გარე სამყაროსთან

განსაკუთრებული ყურადღება უნდა მიექცეს, რომ თავიდან იქნას აცილებული ქალი მსჯავრდებულების სოციალური იზოლაცია. უკადო პატიმრობა მისჯილ დედებს არ უნდა აეკრძალოთ მცირეწლოვანი ბავშვების თავისთან ყოლა მხოლოდ მათი სასჯელის გამო.<sup>10</sup>

ქალთა დაწესებულებების სიმცირის გამო, ხშირად ქალი მსჯავრდებულები განთავსდებიან არიან თავიანთი სახლებიდან შორს, რაც უარყოფითად აისახება მათ კონტაქტზე ოჯახთან და მეგობრებთან. ყველა პატიმარს უნდა მიექცეს შესაძლებლობა შეინარჩუნოს ურთიერთობა ოჯახთან და მეგობრებთან, მეუღლეებთან/პარტნიორებთან და ბავშვებთან. ამგვარი ურთიერთობების შენარჩუნება კრიტიკულად მნიშვნელოვანია მსჯავრდებულთა სოციალური რეაბილიტაციისათვის. ნამყვანი პრინციპი უნდა იყოს გარე სამყაროსთან კონტაქტების მაქსიმალურად ნახალისება.<sup>11</sup> მაგალითად, ღია ვიზიტები, სადაც დაშვებულია ფიზიკური კონტაქტი მეგობრებთან და განსაკუთრებით ბავშვებთან და პარტნიორებთან უნდა წარმოადგენდეს ნორმას. ასეთი უშუალო კონტაქტის შეუძლებლობა ყოველთვის კარგად უნდა იყოს არგუმენტირებული და ეფუძნებოდეს პოტენციური ინდივიდუალური რისკის შეფასებას.<sup>12</sup>

ქალებს უნდა ეძლეოდეთ მეუღლეებთან შეხვედრის შესაძლებლობა მამაკაცების მსგავსად. მეუღლესთან/პარტნიორთან/მეგობართან შეხვედრა შესაძლებელი უნდა იყოს მაშინაც, თუ ეს უკანასკნელიც მსჯავრდებულია და იმყოფება იმავე ან სხვა დაწესებულებაში.<sup>13</sup>

ვინაიდან ქალების კონტაქტს მათ ოჯახთან და შვილებთან განსაკუთრებული და გადამწყვეტი მნიშვნელობა აქვს ორივე მხარისთვის, დაწესებულებებმა უნდა ნაახალისონ ქალების კონტაქტი შვილებთან და მათ კანონიერ წარმომადგენლებთან. შესაძლებელი უნდა იყოს ვიზიტების დროის აკუმულირება და თუ ვიზიტები იშვიათად შედგება, შესაძლებელი უნდა იყოს უფრო ხანგრძლივი ვიზიტის განხორციელება. შესაძლებელია ფინანსური დახმარება გაეწიოს იმ ქალებს, რომლებსაც არ აქვთ ოჯახებთან კავშირის შენარჩუნების მატერიალური შესაძლებლობა.<sup>14</sup>

ქალი პატიმრებისა და მსჯავრდებულების გარე სამყაროსთან კონტაქტის საკითხს ეხება „ბანკოკის წესებიც“, რომელიც ასევე ხაზს უსვამს, რომ ქალი პატიმრების კონტაქტი მათ ოჯახებთან, მათ შორის შვილებთან, მათი შვილების მეურვეებთან და კანონიერ წარმომადგენლებთან უნდა ნახალისდეს და ხელი

8 იქვე, წესი 106-107.

9 ევროსაბჭოს მინისტრთა კომიტეტის რეკომენდაცია Rec(2003)23 უკადო და ხანგრძლივადიანი პატიმრების დაწესებულების ადმინისტრირების შესახებ (მირებული იქნა 2003 წლის 9 ოქტომბერს მინისტრთა კომიტეტის მიერ მინისტრთა მოადგილეების 855-ე შეხვედრაზე, პ. 29-30.

10 ევროსაბჭოს მინისტრთა კომიტეტის რეკომენდაცია Rec(2003)23 უკადო და ხანგრძლივადიანი პატიმრების დაწესებულების ადმინისტრირების შესახებ (მირებული იქნა 2003 წლის 9 ოქტომბერს მინისტრთა კომიტეტის მიერ მინისტრთა მოადგილეების 855-ე შეხვედრაზე, პ. 29-30.

11 ნამების, სასტიკი და არაადამიანური მოპყრობისა და სასჯელის საწინააღმდეგო კომიტეტის რეკომენდაცია ციხეში მყოფ ქალებთან დაკავშირებით, მუხლი 64.

12 იქვე, მუხლი 65.

13 იქვე, მუხლი 66-67.

14 იქვე, მუხლი 68-72.

შეეწყოს ყველა შესაძლო საშუალებით. შესაძლებლობის ფარგლებში, მიღებულ უნდა იქნას ზომები, რომ საცხოვრებელი ადგილიდან შორს განთავსებით გამოწვეული არახელსაყრელი პირობები ქალებისთვის განონასწორდეს და გამოსწორდეს.<sup>15</sup>

სადაც მეუღლესთან პაემნები დაშვებულია, პატიმარ ქალებს უნდა მიეცეთ შესაძლებლობა, რომ გამოიყენონ ეს უფლება მამაკაც პატიმრებთან თანაბარ პირობებში. პაემნები, რომლებშიც ბავშვებიც იღებენ მონაწილეობას, უნდა ჩატარდეს ისეთ გარემოში, რომელიც ხელს შეუწყობს შეხვედრის დადებითად წარმართვას. გარემოში ასევე იგულისხმება თანამშრომელთა დამოკიდებულება და დედასა და ბავშვს შორის ღია და შეუზღუდავი კონტაქტი. შესაძლებლობის ფარგლებში, ხელი უნდა შეეწყოს ბავშვთან გახანგრძლივებულ კონტაქტს.<sup>16</sup>

## არასრულწლოვანი მსჯავრდებულების კონტაქტი გარე სამყაროსთან

არასრულწლოვნები უზრუნველყოფილნი უნდა იყვნენ ადეკვატური განათლებით, მშობლებთან და ოჯახთან კონტაქტების შენარჩუნების უფლებით, ადეკვატური ემოციური განვითარების შესაძლებლობით და ა.შ.<sup>17</sup>

გარე სამყაროსთან კონტაქტის შენარჩუნება განსაკუთრებით სასარგებლო და მნიშვნელოვანია თავისუფლებააღკვეთილი არსრულწლოვნებისთვის, რომელთა უმრავლესობას შესაძლოა ახასიათებდეს ქცევითი, ემოციური პრობლემები ან სოციალური უნარების ნაკლებობა. ყველა ზომა უნდა იქნას მიღებული, რომ არასრულწლოვნებს დაკავების მომენტიდან მიეცეთ ამგვარი შესაძლებლობა. ოჯახის განმარტება ლიბერალური მიდგომით უნდა მოხდეს, აქ უნდა მოიზარებოდნენ ის პირებიც, რომლებთანაც არასრულწლოვანს აქვს ოჯახის მსგავსი ტიპის ურთიერთობა, მაშინაც როდესაც ამგვარი კავშირი ფორმალურად არ არის. სოციალური კავშირების შესანარჩუნებლად არასრულწლოვნებს რეგულარულად უნდა ეძლეოდეთ გარკვეული პერიოდით დაწესებულების დატოვების შესაძლებლობა მარტო ან ბადრაგის თანხლებით. არასრულწლოვნები უნდა სარგებლობდნენ ვიზიტებით ყოველკვირეულად ერთ საათზე მეტი ვადით, მათ უნდა ჰქონდეთ უქმე/არასამუშაო დღეებში (შაბათ-კვირას) ვიზიტების მიღების შესაძლებლობა. როგორც წესი, მოკლევადიანი პაემანი ბარიერის გარეშე/ღიად უნდა მიმდინარეობდეს. ხანგრძლივადიანი ვიზიტები განსაკუთრებით მნიშვნელოვანია ოჯახთან ურთიერთობის შენარჩუნებისა და არასრულწლოვნის საზოგადოებაში რეინტეგრაციისთვის.<sup>18</sup>

ყველა არასრულწლოვანს, წინასწარ პატიმრობაში მყოფ პირთა ჩათვლით, უნდა ჰქონდეს ხშირი მიმოწერისა და სატელეფონო კავშირების უფლება. თუ არსებობს გარკვეული რისკები უსაფრთხოების კუთხით, კონკრეტული წერილი ან სატელეფონო ზარი შესაძლოა გაკონტროლდეს და აიკრძალოს გამონაკლისი სახით. ყველა ამგვარი შეზღუდვა უნდა განხორციელდეს რისკის შეფასების საფუძველზე და გაგრძელდეს მხოლოდ განსაზღვრული დროით.<sup>19</sup>

არასრულწლოვნებს უნდა ჰქონდეთ საკუთარ ოჯახთან, სხვა ადამიანებთან და გარეშე ორგანიზაციებთან შეუზღუდავი მიმოწერის, მათთან რაც შეიძლება ხშირი სატელეფონო ან სხვა სახის კომუნიკაციის უფლება ისევე, როგორც ამ პირების მიერ მათი მონახულების უფლება. მნახველების მიღება ისე უნდა იყოს ორგანიზებული, რომ არასრულწლოვანს შეეძლოს შეინარჩუნოს და განავითაროს ჩვეულებრივი ოჯახური ურთიერთობები და ჰქონდეს სოციალური რეინტეგრაციის შესაძლებლობა. დაწესებულების ხელმძღვანელობა უნდა დაეხმაროს არასრულწლოვანს გარე სამყაროსთან ადეკვატური ურთიერთობის დამყარებაში და მოამარაგოს ისინი ამისათვის საჭირო აუცილებელი საშუალებებით. კომუნიკაცია და მონახულება შეიძლება დაეჭვემდებაროს შეზღუდვასა და მონიტორინგს მიმდინარე გამოძიების ინტერესებიდან გამომდინარე, ისევე როგორც წესრიგის დამყარების, უსაფრთხოებისა და დაცვის, დანაშაულის თავიდან აცილების ან დანაშაულის მსხვერპლთა დაცვის მიზნით, მაგრამ შეზღუდვები, მათ შორის სასამართლო ხელისუფლების განკარგულებით შემოღებული კონკრეტული შეზღუდვები, მაინც უნდა იძლეოდეს მინიმალურად დასაშვები კონტაქტების საშუალებას. ნებისმიერი ინფორმაცია ახლო ნათესავის გარდაცვალების ან მძიმე ავადმყოფობის შესახებ დაუყოვნებლივ უნდა ეცნობოს არასრულწლოვანს. ნორმალური რეჟიმის ფარგლებში არასრულწლოვნებს უნდა ჰქონდეთ, თანხლებით

15 გაერთიანებული ერების ორგანიზაციის წესები ქალ პატიმართა მოპყრობისა და მსჯავრდებულ ქალთა არასაპატიმრო ღონისძიებების შესახებ (ბანგკოკის წესები), წესი 26.

16 იქვე, წესი 27-28.

17 ევროსაბჭოს მინისტრთა კომიტეტის რეკომენდაცია Rec(2003)23 უვადო და ხანგრძლივადიანი პატიმრების დაწესებულების ადმინისტრირების შესახებ (მირებული იქნა 2003 წლის 9 ოქტომბერს მინისტრთა კომიტეტის მიერ მინისტრთა მოადგილეების 855-ე შეხვედრაზე, მუხლი 31.

18 წამების, სასტიკი და არაადამიანური მოპყრობისა და სასჯელის საწინააღმდეგო კომიტეტის რეკომენდაცია სისხლის სამართლის მართლმსაჯულების ფარგლებში თავისუფლება აღკვეთილ არასრულწლოვნებთან დაკავშირებით. (ამონარიდი ნჰკ-ს 2005 წლის 24-ე ზოგადი ანგარიშიდან, რომელიც გამოქვეყნდა 2015 წელს). მუხლი 123.

19 იქვე, მუხლი 124.



ან მის გარეშე, დაწესებულებებიდან რეგულარული გასვლის უფლება.<sup>20</sup> თუ რეგულარული გასვლები პრაქტიკულად შეუძლებელია, მაშინ გათვალისწინებული უნდა იქნეს ოჯახის წევრების ან სხვათა მიერ უფრო ხშირი ან უფრო გრძელვადიანი მონახულების პირობები, რაც დაეხმარება არასრულწლოვნის განვითარებას.<sup>21</sup>

როგორც უკვე აღინიშნა, ყველა ზომა უნდა იქნას მიღებული არასრულწლოვნის გარე სამყაროსთან ურთიერთობის უზრუნველსაყოფად, რაც წარმოადგენს სამართლიანი და ჰუმანური მოპყრობის განუყოფელ ნაწილს და აუცილებელია არასრულწლოვნის საზოგადოებაში დაბრუნებისთვის მომზადების პროცესში.<sup>22</sup>

პაემნის დროს დაცული უნდა იყოს პრივატულობა და ოჯახთან შეუფერხებელი კომუნიკაცია. ნებისმიერ არასრულწლოვანს უნდა შეეძლოს წერილობითი ან სატელეფონო საშუალებით კომუნიკაცია სულ მცირე კვირაში ორჯერ, ასევე უნდა შეეძლოს კორესპონდენციის მიღება.<sup>23</sup> არასრულწლოვნებს აქვთ უფლება მუდმივად ეცნობოდნენ გაზეთებს და სხვა პერიოდულ გამოცემებს, მიიღონ ინფორმაცია რადიოსა და ტელევიზიის საშუალებით, შეხვდნენ იმ ორგანიზაციის ან კლუბების წარმომადგენლებს (კანონმდებლობის ფარგლებში მოქმედ ორგანიზაციებს), რომელთა საქმიანობითაც არიან დაინტერესებულნი.<sup>24</sup>

## ბრალდებულის უფლებები

რაც შეეხებათ წინასწარ პატიმრობაში მყოფ პირებს, წამების პრევენციის კომიტეტი აღნიშნავს, რომ წინასწარ პატიმრობაში მყოფ პირებს უნდა ჰქონდეთ ოჯახთან და სხვა პირებთან კომუნიკაციის უფლება (მიმოწერის, ვიზიტების, ტელეფონის საშუალებით), ისევე როგორც მისჯილ პირებს. ყველას უნდა ჰქონდეს სულ მცირე კვირაში ერთხელ ერთი საათი პაემნისა და მინიმუმ კვირაში ერთხელ დარეკვის შესაძლებლობა.<sup>25</sup>

წამების პრევენციის კომიტეტი აღნიშნავს, რომ ზოგ ქვეყანაში პატიმრებს ეკრძალებოდათ სატელეფონო ზარები ან შეხვედრები დაშვებული იყო მხოლოდ გამყოფ შუშის ბარიერს მიღმა. კომიტეტი მიიჩნევს, რომ ამგვარი აკრძალვის ყველას მიმართ გამოყენება მიუღებელია და შესაძლებელია დაწესდეს მხოლოდ სრულყოფილი ინდივიდუალური რისკის შეფასების საფუძველზე. კომიტეტი ასევე გაუმართლებლად მიიჩნევს ვიზიტების ან ზარების განსახორციელებლად მოსამართლის ან პროკურორის თანხმობის საჭიროებას, რადგან გარე სამყაროსთან კომუნიკაცია არ საჭიროებს სასამართლო ავტორიზაციას. ნებისმიერი აკრძალვა, გამოწვეული უნდა იყოს გამოძიების სპეციფიური საჭიროებით, დამტკიცდეს სასამართლოს მიერ და გამოყენებული უნდა იქნას მხოლოდ დროის სპეციფიურ მონაკვეთში. თუ არსებობს განგრძობითი საფრთხე, ვიზიტებს შესაძლოა გაეწიოს მონიტორინგი.<sup>26</sup>

## ადგილობრივი კანონმდებლობა

პატიმრობის კოდექსის თანახმად, ბრალდებულს/მსჯავრდებულს უფლება აქვს, შეუზღუდავი რაოდენობით გაგზავნოს და მიიღოს წერილები საქართველოს კანონმდებლობით დადგენილი წესით. პენიტენციურ დაწესებულებაში მოთავსებულ ბრალდებულს/მსჯავრდებულს შორის მიმოწერა აკრძალულია. ბრალდებულის/მსჯავრდებულის სახელზე შემოსული წერილის მისთვის ჩაბარებას, აგრეთვე ბრალდებულის/მსჯავრდებულის წერილის ადრესატისთვის გაგზავნას უზრუნველყოფს პენიტენციური დაწესებულება. პირადი ხასიათის კორესპონდენცია ადრესატს ბრალდებულის/მსჯავრდებულის ხარჯით ეგზავნება. პენიტენციური დაწესებულება ვალდებულია ბრალდებულის/მსჯავრდებულის მოთხოვნის შემთხვევაში, უზრუნველყოს იგი საწერი საშუალებითა და ქალაქით. ბრალდებულის/მსჯავრდებულის კორესპონდენცია მოწმდება. შემონიშნება მოიცავს ვიზუალურ დათვალიერებას კორესპონდენციის შინაარსის გაცნობის გარეშე, ხოლო უკიდურეს შემთხვევაში, დასაბუთებული ვარაუდისას, თუ შესაძლებელია ისეთი ინფორმაციის გავრცელება, რომელიც საფრთხეს შეუქმნის საზოგადოებრივ წესრიგს, საზოგადოებრივ

20 გაერთიანებული ერების ორგანიზაციის წესები ქალ პატიმართა მოპყრობისა და მსჯავრდებულ ქალთა არასაპატიმრო ღონისძიებების შესახებ (ბანგკოკის წესები), წესი 83-85.

21 იქვე, წესი 86.

22 გაეროს წესები თავისუფლებაალკვეთილ არასრულწლოვანთა დაცვის შესახებ მიღებული გენერალური ასამბლეის 2990 წლის დეკემბრის 45/113 რეზოლუციით, მუხლი 59.

23 გაეროს წესები თავისუფლებაალკვეთილ არასრულწლოვანთა დაცვის შესახებ მიღებული გენერალური ასამბლეის 2990 წლის დეკემბრის 45/113 რეზოლუციით მუხლი 60-61.

24 იქვე გვ 66.

25 წამების, სასტიკი და არაადამიანური მოპყრობისა და სასჯელის საწინააღმდეგო კომიტეტის რეკომენდაცია წინასწარ პატიმრობაში მყოფ პირებთან დაკავშირებით (ამონარიდი 2017 წელს გამოქვეყნებული 26-ე საერთო ანარიშიდან). მუხლი 59.

26 იქვე მუხლი 60-61.

უსაფრთხოებას ან სხვა პირთა უფლებებსა და თავისუფლებებს, პენიტენციური დაწესებულების შესაბამისი მოსამსახურე უფლებამოსილია გაეცნოს კორესპონდენციის შინაარსს და, საჭიროების შემთხვევაში, შეზღუდოს მისი ადრესატისთვის გაგზავნა. შეზღუდვის თაობაზე დაუყოვნებლივ ეცნობება კორესპონდენციის გამგზავნს. დახურული კონვერტით მიღებული კორესპონდენცია უნდა გაიხსნას ბრალდებულის/მსჯავრდებულის თანდასწრებით. პენიტენციურ დაწესებულებას ეკრძალება, შეაჩეროს ან/და შეამომხმოს ბრალდებულის/მსჯავრდებულის კორესპონდენცია, რომლის ადრესატი ან ადრესანტი არის საქართველოს პრეზიდენტი, საქართველოს პარლამენტის თავმჯდომარე, საქართველოს პრემიერ-მინისტრი, საქართველოს პარლამენტის წევრი, სასამართლო, ადამიანის უფლებათა ევროპული სასამართლო, საერთაშორისო ორგანიზაცია, რომელიც შექმნილია საქართველოს პარლამენტის მიერ რატიფიცირებული ადამიანის უფლებათა დაცვის სფეროს საერთაშორისო ხელშეკრულების საფუძველზე, საქართველოს სამინისტრო, დეპარტამენტი, საქართველოს სახალხო დამცველი, ადვოკატი, პროკურორი, სამინისტროს ადგილობრივი საბჭო.<sup>27</sup>

აკრძალულია ბრალდებულის/მსჯავრდებულის სრული იზოლაცია. ბრალდებულს/მსჯავრდებულს მისი წერილობითი თხოვნის საფუძველზე შეიძლება მიეცეს თავის ახლო ნათესავებთან (შვილი, მეუღლე, პირი, რომელთანაც საერთო შვილი ჰყავს, მშობელი (მშვილებელი), დედინაცვალი, მამინაცვალი, მეუღლის მშობელი, გერი, ნაშვილები და მისი შთამომავალი, შვილიშვილი, დედა, ძმა, დისწული, ძმისწული და მათი შვილები, ბებია, პაპა, ბებულის დედა-მამა, პაპის დედა-მამა (როგორც დედის, ისე მამის მხრიდან), ბიძა (დედის ძმა, მამის ძმა), დეიდა, მამიდა, ბიძაშვილი, დეიდაშვილი, მამიდაშვილი, აგრეთვე პირი, რომელთანაც ცხოვრობდა და საერთო მეურნეობას ეწეოდა პენიტენციურ დაწესებულებაში მოხვედრამდე ბოლო 1 წლის განმავლობაში) ხანმოკლე პაემნის უფლება. აღნიშნულ პირებთან შეხვედრაზე პენიტენციური დაწესებულების დირექტორის თანხმობა/მოტივირებული უარი ბრალდებულს/მსჯავრდებულს წერილობით ეცნობება. პენიტენციური დაწესებულების დირექტორის შუამდგომლობით, წახალისების ფორმით ბრალდებულს/მსჯავრდებულს დეპარტამენტის დირექტორის თანხმობით, შეიძლება მიეცეს იმ პირთან ხანმოკლე პაემნის უფლება, რომელიც გათვალისწინებული არ არის ამ მუხლის მე-2 ნაწილით. აღნიშნულ პირებთან ბრალდებულის/მსჯავრდებულის ურთიერთობის კონტროლი ხორციელდება მისი პატივისა და ღირსების შეუღახავად. ბრალდებულთან/მსჯავრდებულთან შეხვედრა ხორციელდება მისი თანხმობის შემთხვევაში. ხანმოკლე პაემნის მოთხოვნის თაობაზე პენიტენციური დაწესებულების დირექტორს ინფორმაცია მიეწოდება წერილობით. პაემანზე შემსვლელი პირი პენიტენციური დაწესებულების დირექტორს წარუდგენს ახლო ნათესაობის დამადასტურებელ დოკუმენტს. პენიტენციური დაწესებულება ხანმოკლე პაემნის მოთხოვნის თაობაზე განცხადების მიღებიდან არაუგვიანეს 5 დღისა უზრუნველყოფს ხანმოკლე პაემნის ორგანიზებას, გარდა იმ შემთხვევისა, როდესაც არსებობს უარის თქმის მოტივირებული საფუძველი, რის თაობაზეც განმცხადებელი იმავე დღეს უნდა იქნეს ინფორმირებული. ხანმოკლე პაემანი ეწყობა ერთიდან ორ საათამდე ვადით. ხანმოკლე პაემანი მიმდინარეობს პენიტენციური დაწესებულების წარმომადგენლის ვიზუალური ან/და ელექტრონული საშუალებით მეთვალყურეობით, მაგრამ მოსმენის გარეშე. ამის თაობაზე ბრალდებულის/მსჯავრდებულის და მასთან ხანმოკლე პაემნის მსურველი პირის წინასწარ გაფრთხილება სავალდებულოა, გარდა საქართველოს კანონმდებლობით გათვალისწინებული შემთხვევისა. სპეციალური პენიტენციური დეპარტამენტიდან მოწოდებული ინფორმაციის თანახმად, #2,#3,#6,#7,#8,#9,#12,#14,#17,#18 და #19 დაწესებულებებში ხანმოკლე პაემანი მიმდინარეობს მინის გამყოფ ბარიერს მიღმა, ხოლო #5,#11 და #16 დაწესებულებებში მინის გამყოფი ბარიერის გარეშე. დეპარტამენტიდან გადმოგზავნილი ინფორმაციის მიხედვით, ხანმოკლე პაემნების განხორციელების სტატისტიკა 2014-2018 წლებში ასე გამოიყურება:

წლები	პენიტენციური დაწესებულებები														
	#2	#3	#5	#6	#7	#8	#9	#11	#12	#14	#15	#16	#17	#18	#19
2014	6235	277	1374	2479	350	7530	552	909	1690	2940	7919			35	579
2015	7923	450	1610	522	510	8726	428	653	1575	3286	7290		9659	223	415
2016	4789	560	2012	1281	135	9144	265	225	1581	2607	5833	202	9283	322	305
2017	4955	135	1887	947	114	9654	314	205	1543	2438	4979	1175	7774	442	193
2018 ივლისი	2675	78	1106	368	44	20	220	119	706	1095	2554	331	3914	249	105

ბრალდებულს სარგებლობს მხოლოდ ხანმოკლე პაემნის უფლებით, საქართველოს კანონმდებლობით გათვალისწინებული მოთხოვნების შესაბამისად. ბრალდებულს მისი წერილობითი თხოვნის საფუძველზე, შეიძლება ხანმოკლე პაემანი შეეცვალოს სატელეფონო საუბრით. მსჯავრდებულს მისი წერილობითი თხოვნის საფუძველზე შეიძლება თავისუფლების აღკვეთის დაწესებულების გარეთ ხანმოკლე გასვლის უფლება შეეცვალოს ხანმოკლე პაემნით, ხოლო ხანმოკლე პაემანი და თავისუფლების აღკვეთის დაწესებულების გარეთ ხანმოკლე გასვლის უფლება – სატელეფონო საუბრით. ბრალდებულს/მსჯავრდებულს, ამ კოდექსით განსაზღვრული რაოდენობის პაემნების გარდა, წახალისების ფორმით

27 საქართველოს პატიმრობის კოდექსი, მუხლი 16.

შეიძლება მიეცეს საგამონაკლისო ხანმოკლე პაემნის უფლება დეპარტამენტის დირექტორის თანხმობით, პენიტენციური დაწესებულების დირექტორის გადაწყვეტილებით. ბრალდებულს/მსჯავრდებულს შეიძლება აგრეთვე მიეცეს იმ პირთან საგამონაკლისო ხანმოკლე პაემნის უფლება, რომელიც გათვალისწინებული არ არის ახლო ნათესავთა ჩამონათვალში.<sup>28</sup>

პენიტენციურ დაწესებულებაში მყოფ მსჯავრდებულს (გარდა განსაკუთრებული რისკის თავისუფლების აღკვეთის დაწესებულებაში მოთავსებული მსჯავრდებულისა და განსაკუთრებით საშიში პირებისა, რომელთა პიროვნული თვისებები, კრიმინალური ავტორიტეტი, დანაშაულის ჩადენის მოტივი, დამდგარი მართლსაწინააღმდეგო შედეგი ან თავისუფლების აღკვეთის დაწესებულებაში გამოვლენილი ქცევა მნიშვნელოვან საფრთხეს უქმნის თავისუფლების აღკვეთის დაწესებულებისა და მათ გარშემომყოფთა უსაფრთხოებას) უფლება აქვს, ისარგებლოს ვიდეოპაემნით (პირდაპირი ხმოვანი და ვიზუალური ტელეხილით) ნებისმიერ პირთან. ვიდეოპაემნით სარგებლობის უფლება მსჯავრდებულს ეზღუდება დისციპლინური სახდელის მოხდის, დისციპლინური პატიმრობის ან პენიტენციურ დაწესებულებაში განსაკუთრებული პირობების შემოღებისა და კრიზისული ვითარების პერიოდში. მსჯავრდებულთან ვიდეოპაემნის ორგანიზებას მსჯავრდებულის წერილობითი თანხმობის საფუძველზე, უზრუნველყოფს პენიტენციური დაწესებულება, ხოლო პენიტენციური დაწესებულების გარეთ არასაპატიმრო სასჯელთა აღსრულებისა და პრობაციის ეროვნული სააგენტო. მსჯავრდებული ვიდეოპაემნით სარგებლობს საფასურის გადაუხდელოდ. გარდა საქართველოს კანონმდებლობით გათვალისწინებული შემთხვევებისა, პენიტენციური დაწესებულებისა და პრობაციის ეროვნული სააგენტოს წარმომადგენლები ახორციელებენ მსჯავრდებულთან ვიდეოპაემნის ვიზუალურ ან/და ელექტრონული საშუალებით მეთვალყურეობას, მაგრამ მოსმენის გარეშე. ამის თაობაზე მსჯავრდებულის და მასთან ვიდეოპაემნის მსურველი პირის წინასწარ გაფრთხილება სავალდებულოა.<sup>29</sup> საქართველოს სასჯელაღსრულებისა და პრობაციის სამინისტრო თავისუფლების აღკვეთის დაწესებულების მეშვეობით უზრუნველყოფს ვიდეოპაემნის უფლებით მოსარგებლე მსჯავრდებულებისათვის შესაბამისი საკომუნიკაციო ტექნიკური საშუალებებით აღჭურვილი პუნქტების მოწყობას დაწესებულებაში. მსჯავრდებულთან ვიდეოპაემნის მსურველი პირების რეგისტრაციას, შესაბამისი გრაფიკის შედგენას, განსაზღვრული დაწესებულებების შესაბამის ინფორმირებას, ვიდეოპაემნის გამართვის პროცესის კოორდინაციასა და მსჯავრდებულთან ვიდეოპაემნის მსურველ პირთა მიღება-დაკავშირებას უზრუნველყოფს პრობაციის ეროვნული სააგენტო.<sup>30</sup>

ვიდეოპაემნის განხორციელება შესაძლებელია ათი კალენდარული დღის განმავლობაში არაუმეტეს ერთხელ, სამუშაო დღეებში 10:00 საათიდან 18:00 საათამდე. მსჯავრდებულებს წახალისების ფორმით შეიძლება მიეცეთ დამატებითი ვიდეოპაემანი. ქალ მსჯავრდებულთან ვიდეოპაემნის განხორციელება შესაძლებელია 10 კალენდარული დღის განმავლობაში არაუმეტეს ერთხელ, ხოლო წახალისების ფორმით – თვეში დამატებით ერთხელ, სამუშაო დღეებში 10:00 საათიდან 18:00 საათამდე; არასრულწლოვან მსჯავრდებულთან ვიდეოპაემნის განხორციელება შესაძლებელია 1 თვის განმავლობაში, არაუმეტეს ოთხჯერ, ხოლო წახალისების ფორმით – თვეში დამატებით ორჯერ, სამუშაო დღეებში 10:00 საათიდან 18:00 საათამდე. ვიდეოპაემნით სარგებლობის უფლება მსჯავრდებულს ეზღუდება დისციპლინური სახდელის მოხდის, დისციპლინური პატიმრობის ან პენიტენციურ დაწესებულებაში განსაკუთრებული პირობების შემოღებისა და კრიზისული ვითარების პერიოდში.

მსჯავრდებულთან ერთჯერადი ვიდეოპაემნის ხანგრძლივობა არ უნდა აღემატებოდეს 15 წუთს. ვიდეოპაემანი შესაძლებელია ვადამდე შეწყდეს: მსჯავრდებულის სურვილის საფუძველზე უსაფრთხოების დაცვის მიზნით.<sup>31</sup> სპეციალური პენიტენციური დეპარტამენტიდან მონოღებული ინფორმაციის თანახმად, ამჟამად ვიდეოპაემნისთვის საჭირო ინფრასტრუქტურა ხელმისაწვდომია #5,#8,#11,#14,#15,#16,#17 პენიტენციურ დაწესებულებებში. იხ.ვიდეოპაემნების სტატისტიკა:

წლები	პენიტენციური დაწესებულებები						
	#5	#8	#11	#14	#15	#16	#17
2014	9	0	0	0	106	-	0
2015	12	0	0	0	100	0	0
2016	23	0	0	0	96	4	0
2017	108	185	2	916	777	63	932
2018	79		6	658	776	52	801

28 იქვე, მუხლი 17.

29 იქვე, მუხლი 17<sup>1</sup>.

30 საქართველოს სასჯელაღსრულების, პრობაციისა და იურიდიული დახმარების საკითხთა მინისტრის ბრძანება №55 მსჯავრდებულთან ვიდეოპაემნით სარგებლობის წესის დამტკიცების თაობაზე მსჯავრდებულთან ვიდეოპაემნით სარგებლობის წესი, მ 1.

31 საქართველოს სასჯელაღსრულების, პრობაციისა და იურიდიული დახმარების საკითხთა მინისტრის ბრძანება №55 მსჯავრდებულთან ვიდეოპაემნით სარგებლობის წესის დამტკიცების თაობაზე მსჯავრდებულთან ვიდეოპაემნით სარგებლობის წესი, მ 3.

#8 დაწესებულებაში ვიდეოპაემნისთვის საჭირო ინფრასტრუქტურა მოეწყო 2017 წელს, შესაბამისად, ამ დროიდან დღემდე ვიდეოპაემნით ისარგებლა 1852 მსჯავრდებულმა, #11 დაწესებულებაში, როგორც ცხრილიდან ჩანს 2014-2016 წლებში ვიდეოპაემანი არ ხორციელდებოდა, #14 დაწესებულებაში ვიდეოპაემნით სარგებლობა შესაძლებელია 2017 წლის მარტიდან, #16 დაწესებულებაში (გაიხსნა 2015 წელს) 2016 წლიდან, ხოლო #17 დაწესებულებაში 2017 წლიდან.

ხანგრძლივი პაემანი არის მსჯავრდებულის შვილთან, ნაშვილებთან, გერთან, შვილიშვილთან, მეუღლესთან, პირთან, რომელთანაც საერთო შვილი ჰყავს, მშობელთან (მშვილებელთან), ბებიასთან, პაპასთან, დასთან და ძმასთან ერთად ცხოვრება თავისუფლების აღკვეთის დაწესებულების ტერიტორიაზე, ამისათვის სპეციალურად გამოყოფილ ოთახში, მსჯავრდებულის ან ზემოთ ჩამოთვლილ პირთა ხარჯით, თავისუფლების აღკვეთის დაწესებულების წარმომადგენლის დაუსწრებლად. ხანგრძლივი პაემნის საფასური ძირითადად ხმარდება მისი მიზნების განხორციელებასა და ფუნქციების შესრულებას. ხანგრძლივი პაემნის უფლებით სარგებლობა შეიძლება განხორციელდეს საფასურის გადაუხდელოდ, მინისტრის ბრძანებით დადგენილი წესით. ხანგრძლივი პაემნის მოთხოვნის თაობაზე თავისუფლების აღკვეთის დაწესებულების დირექტორი წერილობით უნდა იქნეს ინფორმირებული არანაკლებ 2 კვირით ადრე. ზემოთ ჩამოთვლილმა პირებმა თავისუფლების აღკვეთის დაწესებულების დირექტორს უნდა წარუდგინონ ნათესაობის დამადასტურებელი დოკუმენტი. თავისუფლების აღკვეთის დაწესებულება ხანგრძლივი პაემნის მოთხოვნის თაობაზე განცხადების მიღებიდან არაუგვიანეს 2 კვირისა უზრუნველყოფს ხანგრძლივი პაემნის ორგანიზებას, გარდა იმ შემთხვევისა, როდესაც არსებობს უარის თქმის მოტივირებული საფუძველი, რის თაობაზეც განმცხადებელი 10 დღის ვადაში უნდა იქნეს ინფორმირებული. ხანგრძლივი პაემანი გრძელდება არაუმეტეს 23 საათისა. მსჯავრდებულს მისი წერილობითი თხოვნის საფუძველზე, დაწესებულების დირექტორის შუამდგომლობითა და დეპარტამენტის დირექტორის თანხმობით, კუთვნილი ხანგრძლივი პაემანი წელიწადში ერთხელ შეიძლება გაუგრძელდეს არაუმეტეს 47 საათამდე. ხანგრძლივი პაემანი არ ეძლევა: ა) საკარანტინო რეჟიმში მყოფ მსჯავრდებულს; ბ) მსჯავრდებულს, რომელსაც შეფარდებული აქვს დისციპლინური პატიმრობა ან მოთავსებულია სამართლო საკანში. ხანგრძლივი პაემნის უფლების მიცემის საკითხს წყვეტს თავისუფლების აღკვეთის დაწესებულების დირექტორი. ხანგრძლივი პაემნის უფლების მიცემაზე თავისუფლების აღკვეთის დაწესებულების დირექტორის თანხმობა ან მოტივირებული უარი მსჯავრდებულს წერილობით ეცნობება. ხანგრძლივი პაემნის შეცვლა თავისუფლების აღკვეთის დაწესებულების გარეთ ხანმოკლე გასვლის უფლებით, ხანმოკლე პაემნით ან სატელეფონო საუბრით დაუშვებელია. ხანგრძლივი პაემნისათვის სპეციალურად გამოყოფილი ოთახის პირობები უნდა შეესაბამებოდეს საქართველოს კანონმდებლობით დადგენილ სანიტარიულ-ჰიგიენურ ნორმებს და არ უნდა ლახავდეს ადამიანის ღირსებას.<sup>32</sup> ხანგრძლივი პაემნით სარგებლობა ხორციელდება მსჯავრდებულის ან სტუმრის ხარჯზე უნაღდო ანგარიშსწორებით. თითოეული ხანგრძლივი პაემნის საფასურის ოდენობა განისაზღვრება 60 ლარით, ხოლო არასრულწლოვანი მსჯავრდებულის შემთხვევაში - 30 ლარით. თუ მსჯავრდებულს ხანგრძლივი პაემანი ამ წესის მე-3 მუხლის პირველი პუნქტის შესაბამისად გაუგრძელდა არაუმეტეს 47 საათისა, ამ შემთხვევაში ხანგრძლივი პაემნის საფასურის ოდენობა განისაზღვრება 120 ლარით, ხოლო არასრულწლოვანი მსჯავრდებულის შემთხვევაში – 60 ლარით. ხანგრძლივი პაემნის საფასურის გადახდა უნდა მოხდეს პაემნის განხორციელებამდე. სტუმრებისათვის, რომლებიც რეგისტრირებულნი არიან სოციალურად დაუცველი ოჯახების მონაცემთა ერთიან ბაზაში, ხანგრძლივი პაემნით სარგებლობისათვის დაწესებული საფასურის გადახდას უზრუნველყოფს საქართველოს სასჯელაღსრულებისა და პრობაციის სამინისტრო.<sup>33</sup>

ხანგრძლივი პაემნისთვის საჭირო ინფრასტრუქტურა არსებობს #2, #3,#5,#6,#7,#8,#11,#12,#14,#15, #16,#17 პენიტენციური დაწესებულებების ტერიტორიაზე. #18 (ბრალდებულთა და მსჯავრდებულთა სამკურნალო დაწესებულება) და #19 (ტუბერკულოზის სარეაბილიტაციო ცენტრი) დაწესებულებებში, მათი სპეციფიკიდან გამომდინარე, ხანგრძლივი პაემნისთვის საჭირო ინფრასტრუქტურა არ არის, თუმცა დეპარტამენტის განმარტებით, მსჯავრდებული პენიტენციური დეპარტამენტის დირექტორის ბრძანებით შესაძლებელია დროებით გადაიყვანონ იმ დაწესებულებაში, სადაც შესაძლებელია ხანგრძლივი პაემნის განხორციელება. იხ.2014-2018 წლებში ხანგრძლივი პაემნების სტატისტიკა პენიტენციური დაწესებულებების მიხედვით:

წლები	პენიტენციური დაწესებულებები														
	#2	#3	#5	#6	#7	#8	#9	#11	#12	#14	#15	#16	#17	#18	#19
2014	704	31	0	339		0	0	19	73	722	1562	0	0	0	0
2015	886	43	2	67		0	0	29	208	1003	1716	0	1808	0	0
2016	549	31	58	157		168	16	4	208	893	1682	230	1610	0	10
2017	543	29	71	236		494	30	0	200	1069	2296	634	2090	0	10
2018 ივლისი	307	11	42	99	1	244	28	2	103	403	1100	295	1080	0	5

32 საქართველოს პატიმრობის კოდექსი, მუხლი 17<sup>2</sup>.

33 საქართველოს სასჯელაღსრულებისა და პრობაციის მინისტრის ბრძანება №132 2014 წლის 22 ივლისი ქ. თბილისი მსჯავრდებულთა ხანგრძლივი პაემნის განხორციელების წესის დამტკიცების შესახებ, მ 4.

აქედან #18 და #19 დაწესებულებებს არ გააჩნიათ ხანგრძლივი პაემნისთვის საჭირო ინფრასტრუქტურა. რაც შეეხება #9 დაწესებულებას, ხანგრძლივი პაემნის ინფრასტრუქტურა მოეწყო 2016 წლიდან, #8 დაწესებულებაში 2018 წლის ივლისის თვიდან, მანამდე ხანგრძლივი პაემნით სარგებლობისთვის მსჯავრდებულები გადაყავდათ იმ პენიტენციურ დაწესებულებებში, სადაც ფუნქციონირებდა ხანგრძლივი პაემნისთვის საჭირო ინფრასტრუქტურა.

საოჯახო პაემანი არის ქალი მსჯავრდებულის ამ მუხლის მე-2 ნაწილით (ახლო ნათესავი) განსაზღვრულ პირებთან შეხვედრა თავისუფლების აღკვეთის დაწესებულების ტერიტორიაზე, ამისათვის სპეციალურად გამოყოფილ ოთახში. ქალ მსჯავრდებულს მისი წერილობითი მოთხოვნით, თავისუფლების აღკვეთის დაწესებულების დირექტორის შუამდგომლობითა და დეპარტამენტის დირექტორის თანხმობით შეიძლება მიეცეს შვილთან, ნაშვილებთან, გერთან, შვილიშვილთან, მეუღლესთან, პირთან, რომელთანაც საერთო შვილი ჰყავს, მშობელთან (მშვილებელთან), ბებიასთან, პაპასთან, დასთან, ძმასთან საოჯახო პაემნის უფლება. ქალ მსჯავრდებულს თავისუფლების აღკვეთის დაწესებულების დირექტორის შუამდგომლობითა და დეპარტამენტის დირექტორის თანხმობით, წახალისების ფორმით შეიძლება მიეცეს იმ პირთან საოჯახო პაემნის უფლება, რომელიც ამ მუხლის მე-2 ნაწილით გათვალისწინებული არ არის. საოჯახო პაემნის მოთხოვნით მსჯავრდებული წერილობით მიმართავს თავისუფლების აღკვეთის დაწესებულების დირექტორს საოჯახო პაემნის განხორციელებამდე 10 დღით ადრე. ამ მუხლის მე-2 ნაწილით გათვალისწინებულმა პირმა თავისუფლების აღკვეთის დაწესებულების დირექტორს უნდა წარუდგინოს ნათესაობის დამადასტურებელი დოკუმენტი. მიმართვის მიღებიდან 5 დღის ვადაში თავისუფლების აღკვეთის დაწესებულების დირექტორი დეპარტამენტის დირექტორს მიმართავს შუამდგომლობით საოჯახო პაემნის განხორციელების თაობაზე ან მსჯავრდებულს წერილობით აცნობებს მოტივირებულ უარს საოჯახო პაემნის განხორციელებაზე. შუამდგომლობის მიღებიდან 3 დღის ვადაში დეპარტამენტის დირექტორი იღებს გადაწყვეტილებას საოჯახო პაემნის განხორციელებაზე თანხმობის ან უარის თქმის შესახებ. თავისუფლების აღკვეთის დაწესებულება საოჯახო პაემნის უფლების მიცემაზე დეპარტამენტის დირექტორის თანხმობის მიღებიდან არაუგვიანეს 2 დღისა უზრუნველყოფს საოჯახო პაემნის ორგანიზებას, რის თაობაზეც აცნობებს განმცხადებელს. საოჯახო პაემანი გრძელდება არა უმეტეს 3 საათისა. საოჯახო პაემნის უფლების მიცემაზე დეპარტამენტის დირექტორის თანხმობა ან მოტივირებული უარი მსჯავრდებულს წერილობით უნდა ეცნობოს. საოჯახო პაემნისთვის სპეციალურად გამოყოფილი ოთახის პირობები უნდა შეესაბამებოდეს საქართველოს კანონმდებლობით დადგენილ სანიტარიულ-ჰიგიენურ ნორმებს და არ უნდა ლახავდეს ადამიანის ღირსებას. თავისუფლების აღკვეთის დაწესებულებაში საოჯახო პაემნის უფლების განხორციელების პირობებსა და წესს განსაზღვრავს მინისტრი.<sup>34</sup> თუმცა უნდა აღინიშნოს, რომ პენიტენციური დეპარტამენტიდან მოწოდებული ინფორმაციის თანახმად, დღემდე ქალ პატიმრებს აღნიშნული უფლებით არ უსარგებლიათ.

ბრალდებულს/მსჯავრდებულს აქვს თავის დამცველთან ყოველგვარი შეზღუდვისა და ჩარევის გარეშე შეხვედრის უფლება. პენიტენციური დაწესებულების თანამშრომელს შეუძლია ბრალდებულის/მსჯავრდებულის დამცველთან შეხვედრას დააკვირდეს ვიზუალურად, ტექნიკური საშუალებით დისტანციური დაკვირვებისა და ჩანერის პირობებში, მაგრამ მოსმენის გარეშე. ბრალდებულს/მსჯავრდებულს შეუძლია საქართველოს კანონმდებლობით დადგენილი წესით ისარგებლოს ადვოკატის მომსახურებით.<sup>35</sup>

პენიტენციურ დაწესებულებაში მოთავსებულ ბრალდებულებს/მსჯავრდებულებს შორის სატელეფონო საუბარი აკრძალულია. სატელეფონო საუბარი ხორციელდება ბრალდებულის/მსჯავრდებულის ხარჯითა და პენიტენციური დაწესებულების კონტროლით. ბრალდებულს/მსჯავრდებულს უფლება აქვს, მიიღოს ან გაუგზავნოს ამანათი და ფულადი გზავნილი უნაღდო ანგარიშსწორებით ახლო ნათესავს, ხოლო პენიტენციური დაწესებულების დირექტორის ნებართვით – სხვა პირს. მიღებული ფულადი გზავნილი ბრალდებულს/მსჯავრდებულს ნაღდი ფულის სახით არ გადაეცემა და გამომგზავნს უბრუნდება.<sup>36</sup> სპეციალური პენიტენციური დეპარტამენტიდან მიღებული ინფორმაციის თანახმად, ტელეფონები დაწესებულებების მიხედვით, სხვადასხვა ადგილას არის განთავსებული, კერძოდ:

34 საქართველოს პატიმრობის კოდექსი, მუხლი 17<sup>3</sup>.

35 იქვე, მუხლი 18.

36 იქვე, მუხლი 19.

დანესებულება #	ტელეფონების განთავსების ადგილები
2	საცხოვრებელი კორპუსის სართულზე სპეციალურად გამოყოფილ ოთახებში
3	სასეირნო ეზოებში
5	საცხოვრებელ კორპუსებში და ეზოებში
7	საცხოვრებელი კორპუსის სართულზე სპეციალურად გამოყოფილ ოთახებში
8	სარეზინო კორპუსების ფლიგელებში
9	ადვოკატებთან შეხვედრის ოთახებში
11	მსჯავრდებულთა საცხოვრებელი კორპუსის პირველ სართულზე
12	საცხოვრებელი კორპუსების დერეფნებში
14	კორპუსებში და სასეირნო ეზოებში
15	კორპუსისა და სამედიცინო პუნქტის ეზოში, სამართლო საკნებისთვის განკუთვნილ შენობაში
16	საცხოვრებელ კორპუსში და ეზოში
17	საცხოვრებელ კორპუსებში
18	სასეირნო ოთახებში
19	საცხოვრებელ კორპუსებში

ბრალდებულს/მსჯავრდებულს აქვს პრესის გაცნობის უფლება. პენიტენციურ დანესებულებაში, როგორც წესი, ხდება რადიო და ტელეტრანსლაცია. ბრალდებულს/მსჯავრდებულს, გარდა იმ ბრალდებულისა/მსჯავრდებულისა, რომელსაც შეფარდებული აქვს დისციპლინური პატიმრობა ან/და მოთავსებულია სამართლო საკანში, შეიძლება მიეცეს სამუშაოსაგან თავისუფალ დროს, რადიო-ტრანსლაციის მოსმენისა და ტელე-ტრანსლაციის ნახვის უფლება. პატიმრობის დანესებულებაში, დახურული ტიპის თავისუფლების აღკვეთის დანესებულებაში ან განსაკუთრებული რისკის თავისუფლების აღკვეთის დანესებულებაში მოთავსებულ ბრალდებულს/მსჯავრდებულს ან ბრალდებულთა/მსჯავრდებულთა ჯგუფს, დანესებულების დირექტორის თანხმობით, შეიძლება მიეცეს პირადი რადიომიმღების ან/და ტელევიზორის შეძენის უფლება, თუ მათი გამოყენებით არ ირღვევა ამ დანესებულების დებულების მოთხოვნები და სხვა ბრალდებულთა/მსჯავრდებულთა სიმშვიდე. ბრალდებულმა/მსჯავრდებულმა ან ბრალდებულთა/მსჯავრდებულთა ჯგუფმა აღნიშნული ტექნიკა შეიძლება შეიძინოს საკუთარი ხარჯით, დანესებულების ტერიტორიაზე არსებულ მაღაზიაში. გათავისუფლებისთვის მომზადების თავისუფლების აღკვეთის დანესებულებაში, დაბალი რისკის თავისუფლების აღკვეთის დანესებულებაში ან ნახევრად ღია ტიპის თავისუფლების აღკვეთის დანესებულებაში მოთავსებულ მსჯავრდებულს ან მსჯავრდებულთა ჯგუფს უფლება აქვს, დანესებულების ტერიტორიაზე არსებულ მაღაზიაში შეიძინოს პირადი რადიომიმღები ან/და ტელევიზორი, თუ მათი გამოყენებით არ ირღვევა ამ დანესებულების დებულების მოთხოვნები და სხვა მსჯავრდებულთა სიმშვიდე. დებულების მოთხოვნების დარღვევის შემთხვევაში, ადმინისტრაცია უფლებამოსილია ჩამოართვას ბრალდებულს/მსჯავრდებულს ტექნიკა და გადასცეს მის ახლო ნათესავს. ბრალდებულს/მსჯავრდებულს შეუძლია საკუთარი სახსრებით, გონივრული ოდენობით გამოიწეროს სამეცნიერო, სამეცნიერო-პოპულარული, რელიგიური და მხატვრული ლიტერატურა, ჟურნალ-გაზეთები, მიიღოს საწერი საშუალებები, გარდა მინისტრის ბრძანებით გათვალისწინებული აკრძალული ნივთებისა.<sup>37</sup> პენიტენციური დეპარტამენტიდან მოწოდებული ინფორმაციის თანახმად, ყველა პენიტენციურ დანესებულებაში ბრალდებულებისთვის/მსჯავრდებულებისთვის ხელმისაწვდომია როგორც ქართულენოვანი, ისე უცხოენოვანი პერიოდული გამოცემები, ჟურნალები, გაზეთები, კროსვორდები, რომლის განახლება ხდება სისტემატურად. თუმცა კონკრეტულად რა პერიოდულობითა და რაოდენობით ხდება პრესის მიწოდება, პენიტენციურ დეპარტამენტს, მიუხედავად კონკრეტული შევითხვისა, პასუხი არ გაუცია. რაც შეეხება ტელევიზიას, მოწოდებული ინფორმაციის მიხედვით, ქართულენოვანი და რუსულენოვანი არხები ხელმისაწვდომია ყველა დანესებულებაში, დამატებით თურქულ და ამერბაიჯანულენოვანი არხები ხელმისაწვდომია #2, #3, #5, #8, #14, #12, #15, #16, #17, #18, #19 დანესებულებებში. სომხურენოვანი არხი ხელმისაწვდომია #8, #12 და #18 დანესებულებებში, ხოლო არაბულენოვანი არხი - #8 და #18 დანესებულებებში. ინგლისურენოვანი არხის ყურება მხოლოდ #9 დანესებულებაში შესაძლებელი (BBC).

დეპარტამენტიდან ასევე გვეცნობა, რომ ყველა პენიტენციურ დანესებულებაში მოქმედებს ბიბლიოთეკა, სადაც მხატვრულ ლიტერატურასთან ერთად ხელმისაწვდომია ბრალდებულების/მსჯავრდებულების უფლებებთან დაკავშირებით არსებული გამოცემები, ასევე სხვადასხვა არასამთავრობო ორგანიზაციების მიერ მომზადებული საინფორმაციო ბუკლეტები, ბროშურები და გამოცემები. დეპარტამენტის წერილში აღნიშნულია, რომ პენიტენციური სამსახური მუდმივად ზრუნავს არსებული ბიბლიოთეკის განახლებაზე, შესაბამისად დანესებულებებს მიეწოდებათ ინფორმაცია კანონმდებლობაში განხორციელებულ ცვლილებებთან დაკავშირებით. ყველა დანესებულებაში ხელმისაწვდომია შესაბამისი დანესებულების დებულება და სხვა კანონქვემდებარე აქტები, რომლებიც შეეხება პატიმრობისა და თავისუფლების აღკვეთის აღსრულებას. იმ დანესებულებებში, სადაც ინფრასტრუქტურა და გამომდინარე, ბიბლიოთეკა არ არის მოწყობილი, ბრალდებულთათვის/მსჯავრდებულთათვის საბიბლიოთეკო მომსახურების

37 იქვე, მუხლი 20.

განწევა ხდება მათი მოთავსების ადგილის შესაბამისად. იხ. ინფორმაცია დაწესებულებებისა და მათ ბიბლიოთეკაში დაცული წიგნების შესახებ:

პენიტენციური დაწესებულება #	ქართული	რუსული	ინგლისური	გერმანული	ამერბაიჯანული	თურქული	სხვა	ჯამი
2	2837	597	20	28	16	2	-	3500
3	1372	580	-	-	-	33	-	1985
5	7953	745	168	18	60	-	56	9000
6	1495	1200	10	-	17	-	-	2722
7	201	37	1	-	-	-	-	239
8	6012	3005	75	8	4	52	60	9216
9	537	64	5	1	-	-	3	620
11	4535	363	55	7	4	-	1	4965
12	1619	147	37	-	-	-	-	1803
14	934	466	15	-	-	-	-	1415
15	2747	2532	15	12	7	-	314	5627
16	3189	232	271	7	8	-	41	3748
17	3201	1114	54	-	90	35	7	4521
18	150	559	2	1	-	-	-	712
19	951	1225	-	-	-	-	1	2177

დეპარტამენტის დირექტორმა მსჯავრდებულს შეიძლება მისცეს ბრალდებულთა/მსჯავრდებულთა სამკურნალო დაწესებულებისა და თავისუფლების აღკვეთის დაწესებულების დროებით დატოვების უფლება: ა) თუ მიღებულია სარწმუნო ცნობა მსჯავრდებულის ახლო ნათესავის გარდაცვალების ან სიცოცხლისათვის საშიში ავადმყოფობის თაობაზე; ბ) სოციალური აქტივობის განსახორციელებლად; გ) სხვა განსაკუთრებულ გარემოებასთან დაკავშირებით. საგამოძიებო ან სხვა საპროცესო მოქმედებაში მსჯავრდებულის მონაწილეობის აუცილებლობის შემთხვევაში უფლებამოსილი ორგანოს მოთხოვნის საფუძველზე, დეპარტამენტი უზრუნველყოფს საგამოძიებო ან სხვა საპროცესო მოქმედებაში მსჯავრდებულის მონაწილეობას. განსაკუთრებულ, პირად გარემოებებთან დაკავშირებით თავისუფლების აღკვეთის დაწესებულების დროებით დატოვების უფლების მისაღებად მსჯავრდებული, მისი დამცველი/კანონიერი წარმომადგენელი ან ახლო ნათესავი შუამდგომლობით მიმართავს თავისუფლების აღკვეთის დაწესებულების დირექტორს. შუამდგომლობაში უნდა მიეთითოს თავისუფლების აღკვეთის დაწესებულების დროებით დატოვების მოტივი და ადგილი, სადაც მსჯავრდებულმა უნდა გაატაროს თავისუფლების აღკვეთის დაწესებულების გარეთ ყოფნისათვის განკუთვნილი დრო. თავისუფლების აღკვეთის დაწესებულების დროებით დატოვების ვადა არ უნდა აღემატებოდეს 3 დღეს, რომელშიც შედის მსჯავრდებულის დანიშნულების ადგილამდე მგზავრობის დროც. თავისუფლების აღკვეთის დაწესებულების დროებით დატოვების ვადა შედის სასჯელის მოხდის საერთო ვადაში. დეპარტამენტის დირექტორის გადაწყვეტილებით, თავისუფლების აღკვეთის დაწესებულების დროებით დატოვების უფლება მსჯავრდებულს ეძლევა თავისუფლების აღკვეთის დაწესებულების დროებით დატოვების და მისი პიროვნებისა და მის მიერ ჩადენილი დანაშაულის სიმძიმის გათვალისწინებით. მსჯავრდებულის მიერ თავისუფლების აღკვეთის დაწესებულების დროებით დატოვების ხარჯები ანაზღაურდება მისი ან მისი ოჯახის სახსრებით, გარდა იმ ხარჯებისა, რომლებიც დაკავშირებულია საგამოძიებო ან სხვა საპროცესო მოქმედებაში მონაწილეობის მისაღებად მსჯავრდებულის გაყვანასთან. მინისტრის მიერ დადგენილი წესით მსჯავრდებულის სამკურნალო დაწესებულებისა და თავისუფლების აღკვეთის დაწესებულების დროებით დატოვების უფლება შესაძლებელია განხორციელდეს შესაბამისი ხარჯების აუნაზღაურებლად.<sup>38</sup> იხ. 2014-2018 წლების სტატისტიკა დაწესებულების დროებით დატოვებასთან დაკავშირებით:

38 იქვე, მუხლი 26.

პენიტენციური დანესებულება #	წლები				
	2014	2015	2016	2017	2018 (ივლისი)
2	5	18	6	5	5
3	-	-	-	-	-
5	28	84	4	64	1
6	2	0	0	0	0
7	-	-	-	-	-
8	4	11	10	9	11
9	-	-	-	-	-
11	3	1	3	0	0
12	0	5	2	3	1
14	4	10	12	11	4
15	12	11	15	14	12
16	-	46	5	83	9
17	13	13	8	10	7
18	-	-	-	-	-
19	2	0	0	3	0

როგორც ცხრილიდან ჩანს, დანესებულების ხანმოკლე დატოვების უფლებით 5 წლის განმავლობაში საერთოდ არ უსარგებლიათ #3, #7 (ამჟამად დახურულია), #9, #18 დანესებულებებში მყოფ პირებს. 5 წლის მანძილზე ჯამურად ყველა დანესებულებაში, დროებით დატოვების უფლებით ისარგებლა 586 პირმა.

მსჯავრდებულს, რომელიც სასჯელს დაბალი რისკის თავისუფლების აღკვეთის დანესებულებაში ან ნახევრადლიატიპის თავისუფლების აღკვეთის დანესებულებაში იხდის დარომლის მიმართაც არ მოქმედებს დისციპლინური სახდელი ან რომელსაც შეფარდებული არ აქვს დისციპლინური პატიმრობა, უფლება აქვს წელიწადში ორჯერ ისარგებლოს თავისუფლების აღკვეთის დანესებულების გარეთ ხანმოკლე გასვლის უფლებით. ორსულ ქალს და 3 წლამდე ბავშვის დედას უფლება აქვთ, წელიწადში სამჯერ ისარგებლონ თავისუფლების აღკვეთის დანესებულების გარეთ ხანმოკლე გასვლის უფლებით. თავისუფლების აღკვეთის დანესებულების გარეთ ხანმოკლე გასვლის ხანგრძლივობა არ უნდა აღემატებოდეს 5 დღეს, რომელშიც შედის მსჯავრდებულის დანიშნულების ადგილამდე მგზავრობის დროც. მსჯავრდებულს დეპარტამენტის დირექტორის გადანაცვებით შესაძლებელია დამატებით წელიწადში ორჯერ მიეცეს თავისუფლების აღკვეთის დანესებულების გარეთ ხანმოკლე გასვლის უფლება უმაღლესი განათლების მიღების უფლებით სარგებლობის ხელშეწყობის მიზნით. მსჯავრდებულის თავისუფლების აღკვეთის დანესებულების გარეთ ხანმოკლე გასვლა ფორმდება დეპარტამენტის დირექტორის ბრძანებით. მსჯავრდებულს თავისუფლების აღკვეთის დანესებულების გარეთ ხანმოკლე გასვლის უფლება ეძლევა მას შემდეგ, რაც მან ფაქტობრივად მოიხადა: ა) ნაკლებად მძიმე დანაშაულისათვის მოსახდელი სასჯელის – თავისუფლების აღკვეთის ვადის არანაკლებ ნახევარი; ბ) მძიმე დანაშაულისათვის მოსახდელი სასჯელის – თავისუფლების აღკვეთის ვადის არანაკლებ ორი მესამედი; გ) განსაკუთრებით მძიმე დანაშაულისათვის მოსახდელი სასჯელის – თავისუფლების აღკვეთის ვადის არანაკლებ სამი მეოთხედი.

მსჯავრდებულს, რომელიც სასჯელს დახურული ტიპის თავისუფლების აღკვეთის დანესებულებაში იხდის, დანესებულების გარეთ ხანმოკლე გასვლის უფლებას აძლევს დეპარტამენტის დირექტორი, თუ დაკმაყოფილებულია ამ მუხლის პირველი და მე-2 ნაწილებით გათვალისწინებული პირობები, ამასთანავე, მსჯავრდებული დახურული ტიპის თავისუფლების აღკვეთის დანესებულებაში მოთავსებულია: ა) სამეურნეო სამუშაოების შესასრულებლად ჩარიცხვის გამო; ბ) პირადი უსაფრთხოების მიზნებიდან გამომდინარე; გ) გადამდები ინფექციური დაავადების გამო. განსაკუთრებულ შემთხვევაში, მსჯავრდებულს დეპარტამენტის დირექტორის გადანაცვებით, გათვალისწინებული ვადების მიუხედავად, შესაძლებელია მიეცეს თავისუფლების აღკვეთის დანესებულების გარეთ ხანმოკლე გასვლის უფლება. თავისუფლების აღკვეთის დანესებულების გარეთ ხანმოკლე გასვლის უფლების მისაღებად მსჯავრდებული, მისი დამცველი/კანონიერი წარმომადგენელი ან ახლო ნათესავი შუამდგომლობით მიმართავს დეპარტამენტის დირექტორს. ამ შუამდგომლობაში უნდა მიეთითოს თავისუფლების აღკვეთის დანესებულების გარეთ ხანმოკლე გასვლის მოტივი და ადგილი, სადაც მსჯავრდებულმა უნდა გაატაროს თავისუფლების აღკვეთის დანესებულების ფარგლების გარეთ ყოფნის დრო. თავისუფლების აღკვეთის დანესებულების გარეთ ხანმოკლე გასვლის შუამდგომლობის განხილვისას მხედველობაში მიიღება: ა) მსჯავრდებულის პიროვნება; ბ) ოჯახური მდგომარეობა; გ) მსჯავრდებულის მიერ ჩადენილი დანაშაულის სიმძიმე; დ) დანიშნულების ადგილი; ე) სხვა მნიშვნელოვანი გარემოებები, რომლებიც დადებითად ან უარყოფითად ახასიათებს მსჯავრდებულს.



თავისუფლების აღკვეთის დაწესებულების გარეთ ხანმოკლე გასვლის შესახებ შუამდგომლობის განხილვისას დეპარტამენტის დირექტორს შეუძლია გამოიყენოს შემდეგი უზრუნველყოფის ღონისძიებები: ა) გირაო – არანაკლებ 2000 ლარისა; ბ) პირადი თავდებობა; გ) ელექტრონული კონტროლის (მონიტორინგის) საშუალება. შესაძლებელია თავისუფლების აღკვეთის დაწესებულების გარეთ ხანმოკლე გასვლის უზრუნველყოფის ღონისძიებათა ერთად გამოყენება. თავისუფლების აღკვეთის დაწესებულების გარეთ ხანმოკლე გასვლის ვადა შედის სასჯელის მოხდის საერთო ვადაში. თავისუფლების აღკვეთის დაწესებულების გარეთ ხანმოკლე გასვლის შემთხვევაში, მსჯავრდებული პირველივე დღეს უნდა გამოცხადდეს პრობაციის ბიუროში, სადაც დააფიქსირებს თავისუფლების აღკვეთის დაწესებულების გარეთ ხანმოკლე გასვლის დაწყების დროს. თუ ობიექტური მიზეზებით მსჯავრდებული განსაზღვრულ ვადაში ვერ ახერხებს დაწესებულებაში დაბრუნებას, პრობაციის ბიურო უფლებამოსილია გაუგრძელოს მას ვადა არა უმეტეს 2 დღისა. მსჯავრდებულის თავისუფლების აღკვეთის დაწესებულების გარეთ ხანმოკლე გასვლის ხარჯები, გარდა ელექტრონული კონტროლის (მონიტორინგის) მექანიზმის გამოყენების ხარჯებისა, გადაიხდება მსჯავრდებულის ან მისი ახლო ნათესავის სახსრებით. თავისუფლების აღკვეთის დაწესებულების გარეთ ხანმოკლე გასვლის შესახებ მსჯავრდებულის მოთხოვნის დაკმაყოფილებაზე უარის თქმის შემთხვევაში, დეპარტამენტის დირექტორის მოტივირებული უარი შეიძლება გასაჩივრდეს სასამართლოში.<sup>39</sup> როგორც სპეციალური პენიტენციური დეპარტამენტიდან მიღებული წერილიდან ირკვევა, 2014-2018 წლებში პენიტენციურ დაწესებულებებში განთავსებულ ბრალდებულებს/ მსჯავრდებულებს არ უსარგებლიათ პენიტენციური დაწესებულების გარეთ ხანმოკლე გასვლის უფლებით.

პენიტენციურ დაწესებულებაში სპეციალური ნებართვის გარეშე შესვლის უფლებით სარგებლობენ: ა) საქართველოს პრეზიდენტი; ბ) საქართველოს პარლამენტის თავმჯდომარე და მის მიერ საამისოდ უფლებამოსილი პარლამენტის წევრები; გ) საქართველოს პრემიერ-მინისტრი; დ) პროკურატურის სისტემის საამისოდ უფლებამოსილი პირები; ე) საქართველოს სახალხო დამცველი; ვ) მინისტრი და მის მიერ საამისოდ უფლებამოსილი პირები; ზ) სპეციალური პრევენციული ჯგუფის წევრები. დაუშვებელია პენიტენციური დაწესებულების ტერიტორიაზე აუდიო, ვიდეოტექნიკის და ფიქსაციის სხვა სახის ტექნიკის სპეციალური ნებართვის გარეშე შეტანა. სპეციალურ ნებართვას გასცემს დეპარტამენტის დირექტორი მინისტრთან წინასწარ შეთანხმებით. გადაღების თაობაზე ბრალდებულის/მსჯავრდებულის წინასწარ გაფრთხილება სავალდებულოა. საქართველოს სახალხო დამცველი, აგრეთვე საქართველოს სახალხო დამცველის წინასწარი წერილობითი თანხმობით სპეციალური პრევენციული ჯგუფის წევრი უფლებამოსილია მინისტრის ბრძანებით დამტკიცებული წესისა და სახელმწიფო საიდუმლოების შესახებ საქართველოს კანონმდებლობის მოთხოვნათა შესაბამისად, პენიტენციურ დაწესებულებაში ბრალდებულთა/მსჯავრდებულთა თანხმობით განახორციელოს მათი ან/და მათი უშუალო განთავსების პირობების, გასეირნების ადგილების, საექიმო-სამედიცინო პუნქტის, კვების ობიექტის, საერთო სარგებლობის საშხაპეების, საერთო სარგებლობის საპირფარეშოების და შეხვედრის ოთახების ფოტოგადაღება. პენიტენციური დაწესებულების თანამშრომელი უფლებამოსილია ნებისმიერ დროს მოსთხოვოს ფოტოგადაღების რეჟიმის შემონახვა ვიდეოგადაღების თავიდან აცილების მიზნით, ხოლო ვიდეოგადაღების რეჟიმის აღმოჩენისას დაუყოვნებლივ აღკვეთოს იგი.<sup>40</sup>

მსჯავრდებულს, რომელიც სასჯელს დაბალი რისკის თავისუფლების აღკვეთის დაწესებულებაში იხდის უფლება აქვს: 1 თვის განმავლობაში ჰქონდეს 4 ხანმოკლე პაემანი, ხოლო წახალისების ფორმით – თვეში 2 დამატებითი ხანმოკლე პაემანი; 1 თვის განმავლობაში საკუთარი ხარჯით ჰქონდეს შეუზღუდავი რაოდენობის სატელეფონო საუბარი, თითოეული – არაუმეტეს 15 წუთისა, ხოლო წახალისების ფორმით, საკუთარი ხარჯით – ულიმიტო სატელეფონო საუბარი; 1 წლის განმავლობაში ჰქონდეს 6 ხანგრძლივი პაემანი, ხოლო წახალისების ფორმით – წელიწადში 3 დამატებითი ხანგრძლივი პაემანი. წახალისების ფორმით შესაძლოა მსჯავრდებულისთვის დამატებითი ხანმოკლე პაემანით სარგებლობის უფლების მიცემა; დაწესებულების გარეთ დამატებითი ხანმოკლე გასვლის უფლების მიცემა; დამატებითი ხანგრძლივი პაემანით სარგებლობის უფლების მიცემა; დამატებითი ვიდეოპაემანით სარგებლობის უფლების მიცემა; პენიტენციური დაწესებულების დირექტორის გადაწყვეტილებით, დეპარტამენტის დირექტორის თანხმობით საგამონაკლისო ხანმოკლე პაემანის უფლების მიცემა.<sup>41</sup>

მსჯავრდებული, რომელიც სასჯელს ნახევრად ღია ტიპის თავისუფლების აღკვეთის დაწესებულებაში იხდის, უფლება აქვს: 1 თვის განმავლობაში ჰქონდეს 2 ხანმოკლე პაემანი, ხოლო წახალისების ფორმით – თვეში 1 დამატებითი ხანმოკლე პაემანი; 1 თვის განმავლობაში საკუთარი ხარჯით ჰქონდეს შეუზღუდავი რაოდენობის სატელეფონო საუბარი – დღე-ღამეში არაუმეტეს 30 წუთისა, ხოლო წახალისების ფორმით, საკუთარი ხარჯით – ულიმიტო სატელეფონო საუბარი, თითოეული – არაუმეტეს 15 წუთისა; 1 წლის განმავლობაში ჰქონდეს 3 ხანგრძლივი პაემანი, ხოლო წახალისების ფორმით – წელიწადში 2 დამატებითი ხანგრძლივი პაემანი. სანიმუშო ყოფაქცევისა და საქმიანობისადმი კეთილსინდისიერი დამოკიდებულების შემთხვევაში ნახევრად ღია ტიპის თავისუფლების აღკვეთის დაწესებულების დირექტორი უფლებამოსილია მსჯავრდებულის მიმართ გამოიყენოს წახალისების შემდეგი ფორმები დამატებითი ხანმოკლე პაემანი; დაწესებულების გარეთ დამატებითი ხანმოკლე გასვლა; დამატებითი ხანგრძლივი პაემანი; დამატებითი სატელეფონო საუბარი; დამატებითი ვიდეოპაემანი; დამატებითი

39 იქვე, მუხლი 28.

40 იქვე, მუხლი 60.

41 იქვე, მუხლი 60<sup>1</sup>.

საოჯახო პაემანი (ქალი მსჯავრდებულისათვის); პენიტენციური დაწესებულების დირექტორის გადაწყვეტილებით, დეპარტამენტის დირექტორის თანხმობით საგამონაკლისო ხანმოკლე პაემნის უფლების მიცემა.<sup>42</sup>

მსჯავრდებულს, რომელიც სასჯელს იხდის დახურული ტიპის თავისუფლების აღკვეთის დაწესებულებაში, უფლება აქვს: 1 თვის განმავლობაში ჰქონდეს 1 ხანმოკლე პაემანი, ხოლო წახალისების ფორმით – თვეში 1 დამატებითი ხანმოკლე პაემანი; 1 თვის განმავლობაში საკუთარი ხარჯით ჰქონდეს 3 სატელეფონო საუბარი, თითოეული – არა უმეტეს 15 წუთისა, ხოლო წახალისების ფორმით, საკუთარი ხარჯით – ულიმიტო სატელეფონო საუბარი, თითოეული – არა უმეტეს 15 წუთისა; 1 წლის განმავლობაში ჰქონდეს 2 ხანგრძლივი პაემანი, ხოლო წახალისების ფორმით – წელიწადში 1 დამატებითი ხანგრძლივი პაემანი. დახურული ტიპის თავისუფლების აღკვეთის დაწესებულების დირექტორი უფლებამოსილია მსჯავრდებულის მიმართ გამოიყენოს წახალისების შემდეგი ფორმები: დამატებითი სატელეფონო საუბარი; პირადი ტელევიზორით ან რადიომიმღებით სარგებლობა; დამატებითი ხანმოკლე პაემანი; დამატებითი ხანგრძლივი პაემანი; პერსონალური კომპიუტერით სარგებლობა; დამატებითი ვიდეოპაემანი; პენიტენციური დაწესებულების დირექტორის გადაწყვეტილებით, დეპარტამენტის დირექტორის თანხმობით საგამონაკლისო ხანმოკლე პაემნის უფლების მიცემა; პენიტენციური დაწესებულების დირექტორის გადაწყვეტილებით, დეპარტამენტის დირექტორით თანხმობით იმ პირთან ხანმოკლე პაემნის უფლების მიცემა, რომელიც პატიმრობის კოდექსის მე-17 მუხლის მე-2 ნაწილით გათვალისწინებული არ არის.<sup>43</sup>

მსჯავრდებულს, რომელიც სასჯელს განსაკუთრებული რისკის თავისუფლების აღკვეთის დაწესებულებაში იხდის, უფლება აქვს: 1 თვის განმავლობაში ჰქონდეს 1 ხანმოკლე პაემანი, ხოლო წახალისების ფორმით – თვეში 1 დამატებითი ხანმოკლე პაემანი; 1 წლის განმავლობაში ჰქონდეს 1 ხანგრძლივი პაემანი, ხოლო წახალისების ფორმით – წელიწადში 1 დამატებითი ხანგრძლივი პაემანი; 1 თვის განმავლობაში საკუთარი ხარჯით ჰქონდეს 2 სატელეფონო საუბარი, თითოეული – არაუმეტეს 15 წუთისა, ხოლო წახალისების ფორმით, საკუთარი ხარჯით – 1 სატელეფონო საუბარი არაუმეტეს 15 წუთისა. სატელეფონო საუბრები შეიძლება განხორციელდეს მხოლოდ წინასწარ განსაზღვრულ გარკვეული რაოდენობის სატელეფონო ნომერზე, რომლებშიც არ შედის საქართველოს სახალხო დამცველის ცხელი ხაზის და მსჯავრდებულის ადვოკატის სატელეფონო ნომრები. მსჯავრდებულის მიერ სატელეფონო საუბრის განხორციელების წესი და პირობები განისაზღვრება დაწესებულების დებულებით. დასაბუთებული ვარაუდის არსებობისას სამინისტროს უფლებამოსილ სტრუქტურულ ქვედანაყოფს უფლება აქვს მოისმინოს და ჩაინეროს განსაკუთრებული რისკის თავისუფლების აღკვეთის დაწესებულებაში მოთავსებული მსჯავრდებულის სატელეფონო საუბრები. მათი მოსმენისა და ჩაწერის შესახებ მსჯავრდებულს წინასწარ ეცნობება, გარდა საქართველოს სისხლის სამართლის საპროცესო კოდექსით გათვალისწინებული შემთხვევისა. ამ მსჯავრდებულის სახელზე გამოგზავნილი კორესპონდენცია მოწმდება კანონით დადგენილი წესით. განსაკუთრებული რისკის თავისუფლების აღკვეთის დაწესებულებაში მყოფ მსჯავრდებულს უფლება აქვს, დაწესებულების დებულებით დადგენილი წესით მიიღოს გზავნილი.<sup>44</sup> განსაკუთრებული რისკის თავისუფლების აღკვეთის დაწესებულებაში მყოფი მსჯავრდებულის სანიმუშო ყოფაქცევისა და საქმიანობისადმი კეთილსინდისიერი დამოკიდებულების შემთხვევაში ამ დაწესებულების დირექტორი უფლებამოსილია მის მიმართ გამოიყენოს წახალისების შემდეგი ფორმები: დამატებითი სატელეფონო საუბრის უფლების მიცემა; დამატებითი ხანმოკლე პაემნით სარგებლობის უფლების მიცემა; ხანგრძლივი პაემნით სარგებლობის უფლების მიცემა; პირადი ტელევიზორით ან რადიომიმღებით სარგებლობის უფლების მიცემა; პენიტენციური დაწესებულების დირექტორის გადაწყვეტილებით, დეპარტამენტის დირექტორის თანხმობით, საგამონაკლისო ხანმოკლე პაემნის უფლების მიცემა; პენიტენციური დაწესებულების დირექტორის გადაწყვეტილებით, დეპარტამენტის დირექტორის თანხმობით იმ პირთან ხანმოკლე პაემნის უფლების მიცემა, რომელიც კოდექსის მე-17 მუხლის მე-2 ნაწილით გათვალისწინებული არ არის.<sup>45</sup>

გათავისუფლებისთვის მომზადების თავისუფლების აღკვეთის დაწესებულებაში მოთავსებულ მსჯავრდებულზე ამ დაწესებულების ინფრასტრუქტურის გათვალისწინებით ვრცელდება ის უფლებები და მოვალეობები, რომლებიც დადგენილია შესაბამისი რისკის მსჯავრდებულისთვის. გათავისუფლებისთვის მომზადების თავისუფლების აღკვეთის დაწესებულებაში მოთავსებულ მსჯავრდებულს დეპარტამენტის დირექტორის გადაწყვეტილებით, შეიძლება მიეცეს უფლება, დატოვოს გათავისუფლებისთვის მომზადების თავისუფლების აღკვეთის დაწესებულება ერთ-ერთი შემდეგი პირობითა და ვადით: ა) გათავისუფლებისთვის მომზადების თავისუფლების აღკვეთის დაწესებულების გარეთ სწავლის ან/და მუშაობის შემთხვევაში, სამუშაო ან/და სასწავლო გრაფიკის შესაბამისად; ბ) საქართველოს კანონმდებლობით დადგენილ დასვენების და უქმე დღეებში; გ) დასაბუთებული მოთხოვნის შემთხვევაში, 1 კვირის განმავლობაში არაუმეტეს 3 დღე-ღამისა. მსჯავრდებულის გათავისუფლებისთვის მომზადების თავისუფლების აღკვეთის დაწესებულებაში დაგვიანებით გამოცხადება ან გამოუცხადებლობა იწვევს საქართველოს სისხლის სამართლის კოდექსით დადგენილ პასუხისმგებლობას, გარდა იმ შემთხვევისა, როდესაც დაგვიანებით გამოცხადება ან გამოუცხადებლობა გამონეგული იყო ერთ-ერთი შემდეგი

42 იქვე, მუხლი 61-63.

43 იქვე, მუხლი 64-66.

44 იქვე, მუხლი 66<sup>3</sup>.

45 იქვე, მუხლი 66<sup>4</sup>.

გარემოებით: ა) მსჯავრდებულის ჯანმრთელობის ისეთი მდგომარეობა, რომელიც შეუძლებელს ხდის მისთვის დაკისრებული მოვალეობის შესრულებას, რასაც ადასტურებს ექიმის მიერ გაცემული შესაბამისი ცნობა; ბ) მსჯავრდებულის მიერ დადგენილი რეჟიმის დარღვევა მისგან დამოუკიდებელი მიზეზების გამო, დაუძლეველი ძალის (ფორსმაჟორის) არსებობისას, ან/და სხვა ისეთი გარემოების არსებობისას, რომელიც ობიექტურად შეუძლებელს ხდის გათავისუფლებისთვის მომზადების თავისუფლების აღკვეთის დაწესებულებაში დაწესებულებაში გამოცხადებას, რასაც ადასტურებს შესაბამისი სახელმწიფო დაწესებულების მიერ გაცემული დოკუმენტი.<sup>46</sup> გათავისუფლებისთვის მომზადების თავისუფლების აღკვეთის დაწესებულებაში მყოფი მსჯავრდებულის სანიმუშო ყოფაქცევისა და საქმიანობისადმი კეთილსინდისიერი დამოკიდებულების შემთხვევაში, ამ დაწესებულების დირექტორი უფლებამოსილია გამოიყენოს ნახალისების შემდეგი ფორმები: გ) დამატებითი სატელეფონო საუბრის უფლების მიცემა; დ) დაწესებულების გარეთ დამატებითი ხანმოკლე გასვლის უფლების მიცემა; ე) ამანათით ან ფოსტით ისეთი ნივთების, ნივთიერებების ან/და ნაკეთობების მიღების უფლების მიცემა, რომელთა ქონის უფლებაც მსჯავრდებულს დაწესებულებაში, ჩვეულებრივ, არ აქვს, მაგრამ რომლებიც აკრძალული არ არის.

ქალი მსჯავრდებული სასჯელს იხდის ქალთა სპეციალურ დაწესებულებაში. დედის შუამდგომლობით, მეურვეობისა და მზრუნველობის ორგანოს ნებართვით და ამ დაწესებულების დირექტორის თანხმობით შესაძლებელია დედისა და 3 წლამდე ბავშვის ერთად ცხოვრება. ქალთა სპეციალური დაწესებულება ვალდებულია შექმნას შესაბამისი პირობები. თავისუფლების აღკვეთის დაწესებულებაში მყოფი 3 წლამდე ბავშვის კვებას, სამედიცინო მომსახურებასა და სანიტარიულ-ჰიგიენურ პირობებს უზრუნველყოფს სამინისტრო. ქალ მსჯავრდებულს, რომლის 3 წელს მიღწეულმა შვილმა დატოვა ქალთა სპეციალური დაწესებულება, უფლება აქვს, დეპარტამენტის დირექტორის გადაწყვეტილებით, შვილთან ურთიერთობის მიზნით, ბავშვის მიერ დაწესებულების დატოვებიდან 1 წლის განმავლობაში, საქართველოს კანონმდებლობით დადგენილ დასვენების და უქმე დღეებში დატოვოს დაწესებულება. ქალი მსჯავრდებულის მიერ დასვენების და უქმე დღეებში ქალთა სპეციალური დაწესებულების დატოვების წესი განისაზღვრება მინისტრის ბრძანებით. საკითხის განხილვისას გაითვალისწინება ქალი მსჯავრდებულისაგან მომდინარე საზოგადოებრივი საშიშროება, მის მიერ წარსულში დანაშაულის ჩადენის ფაქტი, დანაშაულის ხასიათი, მოტივი, მიზანი, დამდგარი შედეგი, დანაშაულის განმეორებით ჩადენის რისკი, სასჯელის მოხდისას გამოვლენილი ქცევა, ქალი მსჯავრდებულის პიროვნული თვისებები და სხვა გარემოებები, რომლებმაც შეიძლება გავლენა მოახდინოს დეპარტამენტის დირექტორის გადაწყვეტილებაზე. ქალი მსჯავრდებულის ქალთა სპეციალურ დაწესებულებაში დაგვიანებით გამოცხადება ან გამოუცხადებლობა იწვევს საქართველოს სისხლის სამართლის კოდექსით დადგენილ პასუხისმგებლობას, გარდა იმ შემთხვევისა, როდესაც დაგვიანებით გამოცხადება ან გამოუცხადებლობა გამოწვეული იყო ერთ-ერთი შემდეგი გარემოებით: ა) ქალი მსჯავრდებულის ჯანმრთელობის ისეთი მდგომარეობა, რომელიც შეუძლებელს ხდის მისთვის დაკისრებული მოვალეობის შესრულებას, რასაც ადასტურებს ექიმის მიერ გაცემული შესაბამისი ცნობა; ბ) ქალი მსჯავრდებულის მიერ დადგენილი რეჟიმის დარღვევა მისგან დამოუკიდებელი მიზეზების გამო, დაუძლეველი ძალის (ფორსმაჟორის) არსებობისას, ან/და სხვა ისეთი გარემოების არსებობისას, რომელიც ობიექტურად შეუძლებელს ხდის ქალთა სპეციალურ დაწესებულებაში გამოცხადებას, რასაც ადასტურებს შესაბამისი სახელმწიფო დაწესებულების მიერ გაცემული დოკუმენტი. ქალ მსჯავრდებულს უფლება აქვს, 1 თვის განმავლობაში ჰქონდეს 3 ხანმოკლე პაემანი, ხოლო ნახალისების ფორმით – თვეში 1 დამატებითი ხანმოკლე პაემანი. ქალ მსჯავრდებულს უფლება აქვს, 1 თვის განმავლობაში საკუთარი ხარჯით ჰქონდეს 5 სატელეფონო საუბარი, თითოეული – არა უმეტეს 15 წუთისა, ხოლო ნახალისების ფორმით, საკუთარი ხარჯით – ულიმიტო სატელეფონო საუბარი, თითოეული – არა უმეტეს 15 წუთისა. ქალ მსჯავრდებულს უფლება აქვს, ამ კოდექსის 173 მუხლით დადგენილი წესით 1 თვის განმავლობაში ჰქონდეს 1 საოჯახო პაემანი, ხოლო ნახალისების ფორმით – თვეში 1 დამატებითი საოჯახო პაემანი. ქალ მსჯავრდებულს უფლება აქვს, 10 კალენდარული დღის განმავლობაში ჰქონდეს 1 ვიდეოპაემანი, ხოლო ნახალისების ფორმით – თვეში 1 დამატებითი ვიდეოპაემანი. ქალ მსჯავრდებულს უფლება აქვს, 1 წლის განმავლობაში ჰქონდეს 3 ხანგრძლივი პაემანი, ხოლო ნახალისების ფორმით – წელიწადში 2 დამატებითი ხანგრძლივი პაემანი.<sup>47</sup>

ბრალდებული სარგებლობს ერთი თვის განმავლობაში არა უმეტეს 4 ხანმოკლე პაემნის უფლებით. აღნიშნული უფლება შეიძლება შეიზღუდოს გამოძიების ან პროკურორის დადგენილების საფუძველზე. გამოძიებისა და უსაფრთხოების ინტერესებიდან გამომდინარე, პატიმრობის დაწესებულების თანამშრომელს, რომელიც ვიზუალურად აკვირდება ბრალდებულის ხანმოკლე პაემანს, შეუძლია დაუყოვნებლივ შეწყვიტოს მისი მსვლელობა.<sup>48</sup> თუ მიღებულია სარწმუნო ცნობა ბრალდებულის ახლო ნათესავის გარდაცვალების ან სიცოცხლისათვის საშიში ავადმყოფობის თაობაზე, ან სხვა განსაკუთრებულ, პირად გარემოებასთან დაკავშირებით, აგრეთვე თუ აუცილებელია ბრალდებულის საგამოძიებო ან სხვა საპროცესო მოქმედებაში მონაწილეობა, გამოძიებელს ან პროკურორს შეუძლია გასცეს ბრალდებულის მიერ პატიმრობის დაწესებულების დროებით დატოვების ნებართვა 2 დღემდე ვადით. პატიმრობის დაწესებულების დროებით დატოვებასთან დაკავშირებული ხარჯები ანაზღაურდება საქართველოს სახელმწიფო ბიუჯეტიდან.<sup>49</sup>

46 იქვე, მუხლი 71<sup>6</sup>.  
47 იქვე, მუხლი 72.  
48 იქვე, მუხლი 77.  
49 იქვე, მუხლი 78.

# საერთაშორისო და ადგილობრივი კანონმდებლობის შედარებითი ანალიზი

გარე სამყაროსთან კონტაქტის კუთხით, საქართველოში მოქმედი კანონმდებლობა წლების მანძილზე იცვლებოდა და მეტ-ნაკლებად დაუახლოვდა საერთაშორისო სტანდარტებს. თუმცა არსებობს ცალკეული ნორმები, რომლებიც გაუმჯობესებას საჭიროებს. კერძოდ, საერთაშორისო სტანდარტები აღიარებს მსჯავრდებულს/ბრალდებულსა და მისი ოჯახის წევრს შორის უშუალო კონტაქტის მნიშვნელობას ვიზიტის განხორციელების დროს. თუმცა საქართველოში, ციხეების დიდ ნაწილში ხანმოკლე ვიზიტები მიმდინარეობს მინის გამყოფ ბარიერს მიღმა და არ იძლევა პირებს შორის უშუალო კონტაქტის შესაძლებლობას. უმჯობესი იქნება, თუ ამგვარი შეზღუდვა დაწესდება მხოლოდ გამონაკლის შემთხვევებში, რისკების ინდივიდუალური შეფასების საფუძველზე და არ იქნება გამოყენებული დაწესებულებაში მყოფი ყველა პატიმრის/მსჯავრდებულის მიმართ. საერთაშორისო სტანდარტები მნიშვნელოვნად მიიჩნევენ ასევე ოჯახის წევრებს შორის ურთიერთობის შენარჩუნებას მაშინაც, როდესაც ორივე პირი პენიტენციურ დაწესებულებაში იმყოფება. ციხეში მყოფ ქალებთან დაკავშირებით წამების პრევენციის კომიტეტის სტანდარტებში აღნიშნულია, რომ ქალებს პარტნიორებთან შეხვედრა უნდა შეეძლოთ მაშინაც, როდესაც ორივე მათგანს თავისუფლება აქვს აღკვეთილი. საქართველოში მოქმედი კანონმდებლობით, არათუ ვიზიტებია აკრძალული, არამედ ბრალდებულებსა და მსჯავრდებულებს შორის დაუშვებელია მიმოწერა და სატელეფონო კომუნიკაციის განხორციელება. მნიშვნელოვანია ასევე კანონმდებლობით ქალ პატიმრებს მიეცეთ შესაძლებლობა განახორციელონ ვიზიტის დროის აკუმულირება, რაც იმას გულისხმობს, რომ თუ ქალმა ვერ ისარგებლა ხანმოკლე პაემნის კანონით განსაზღვრული რაოდენობით (ვინაიდან ხშირად პატიმართა განთავსებისას გათვალისწინებული არ არის ქალების საცხოვრებელი ადგილი და ნათესავები ვერ ახერხებენ ხანმოკლე ვიზიტების განხორციელებას), შესაძლებელი იყოს გაცდენილი ვიზიტის ხანგრძლივობის აკუმულირება და ამის ხარჯზე გამოყენებული ვიზიტის დროის გაზრდა. რაც შეეხებათ არასრულწლოვნებს, წამების პრევენციის კომიტეტის რეკომენდაციით მნიშვნელოვანია, რომ მათთვის ვიზიტების განხორციელება შესაძლებელი იყოს არა მხოლოდ სამუშაო, არამედ უქმე დღეებშიც, რაც ჯერჯერობით მოქმედი ეროვნული კანონმდებლობით გათვალისწინებული არ არის. საერთაშორისო სტანდარტებში ასევე აღნიშნულია, რომ წინასწარ პატიმრობაში მყოფ პირს უნდა ჰქონდეს მიმოწერის, ვიზიტების, სატელეფონო კავშირის ისეთივე უფლება, როგორც ეს აქვთ მსჯავრდებულ პირებს, თუმცა ადგილობრივი კანონმდებლობით ბრალდებულს შეუძლია ისარგებლოს მხოლოდ ხანმოკლე ვიზიტებით და არ აქვს უფლება იქონიოს ხანგრძლივი პაემანი ან ვიდეო პაემანი. ასევე მნიშვნელოვანია ვიდეოპაემნის უფლება გათვალისწინებული იქნას განსაკუთრებული რისკის დაწესებულებაში მყოფი პირებისთვის, რადგან მათთვის კანონმდებლობით გარე სამყაროსთან კომუნიკაცია ისედაც შეზღუდულია, შესაბამისად ვიდეოპაემნის უფლების მინიჭება ხელს შეუწყობს დაწესებულებაში მყოფ მსჯავრდებულებს შეინარჩუნონ სოციალური კავშირები. მნიშვნელოვანია, ასევე, რომ სამართლო საკანში მოთავსებულ მსჯავრდებულს/პატიმარს არ შეეზღუდოს სახალხო დამცველთან დარეკვის უფლება, რადგან სამართლო საკანში უფლებების დარღვევის რისკი უფრო მაღალია და ომბუდსმენთან კონტაქტის შესაძლებლობის არარსებობა კიდევ უფრო ზრდის უფლებების ხელყუდის რისკს. მნიშვნელოვანია კანონმდებლობაში გაკეთდეს შესაბამისი დათქმა, რომ დისციპლინური ზომის სახით სატელეფონო ზარების შეზღუდვა არ ეხება სახალხო დამცველთან კომუნიკაციის შემთხვევას.

## კვლევის მეორედი ანალიზი

წამების, სასტიკი და არაადამიანური მოპყრობისა და სასჯელის პრევენციის კომიტეტის ანგარიშში 2014 წელს საქართველოში ვიზიტთან დაკავშირებით, აღნიშნულია, რომ 2012 წლის შემდეგ „პატიმრობის კოდექსი“ შეიცვალა პაემნებისა და კორესპონდენციის შესახებ ნორმები, კერძოდ შესაძლებელი გახდა გრძელვადიანი პაემნები (24 საათამდე ვადით), საოჯახო პაემნები ქალი მსჯავრდებულებისთვის და ვიდეოპაემნები. წამების პრევენციის კომიტეტი მიესალმა ამ ცვლილებებს, თუმცა ანგარიშში აღნიშნულია, რომ ვიზიტის დროს დაწესებულებებში ნაწახი სიტუაცია სხვაგვარი იყო და სერიოზული შემთხვევების საფუძველს ქმნიდა. წინასწარ პატიმრობაში მყოფ პირებს ესაჭიროებოდათ საგამოძიებო ორგანოების ან სასამართლოს თანხმობა იმისათვის, რომ ესარგებლათ პაემნის უფლებით და ასეთი ნებართვა გაიცემოდა მხოლოდ გამონაკლის შემთხვევებში. ეს ნიშნავდა, რომ ბრალდებული პირები ვერ სარგებლობდნენ პაემნის უფლებით რამდენიმე თვის, ზოგჯერ წლების განმავლობაში. მათ ასევე არ ჰქონდათ მიმოწერისა და სატელეფონო ზარების განხორციელების უფლება. კომიტეტმა მოუწოდა საქართველოს ხელისუფლებას შეეცვალა პატიმრობის კოდექსი და უზრუნველყო წინასწარ პატიმრობაში მყოფ პირთა გარე სამყაროსთან კონტაქტის უფლება. ნაკ-ს აზრით, ნებისმიერ აკრძალვას გამოძიების ინტერესებიდან გამომდინარე, უნდა ჰქონოდა მყარი საფუძველი, დადასტურებული ყოფილიყო საქმესთან დაკავშირებული ორგანოს მიერ და გამოყენებული ყოფილიყო მხოლოდ განსაზღვრული ვადით. ასევე ამ გადაწყვეტილების შესახებ ინფორმაცია ცნობილი უნდა ყოფილიყო ბრალდებულისა და მისი ადვოკატისთვის.<sup>50</sup>

50 წამების, სასტიკი და არაადამიანური მოპყრობისა და სასჯელის პრევენციის კომიტეტის ანგარიშში 2014 წელს საქართველოში ვიზიტთან დაკავშირებით, ნაწ.115.

რაც შეეხება მისჯილ პირებს, მიუხედავად წამების პრევენციის კომიტეტის ხანგრძლივი რეკომენდაციისა, მათი ვიზიტების ხელმისაწვდომობა დამოკიდებული იყო რეჟიმზე და იმაზე პირველად იყო პირი მსჯავრდებული თუ განმეორებით. (მაგ: საერთო რეჟიმის პირობებში პირებს ჰქონდათ თვეში ორი პაემანი, მკაცრი რეჟიმის პირობებში კი თვეში ერთი პაემანი). პრაქტიკაში, პატიმრების უმრავლესობა სარგებლობდა ერთი ორსაათიანი ვიზიტით თვეში. ვიზიტის განხორციელება ხდებოდა არაადეკვატურ პირობებში. შესვდრები იმართებოდა მცირე ზომის შუშით გაყოფილ ტერიტორიაზე, სადაც მსჯავრდებულებს არ ჰქონდათ მნახველებთან, მათ შორის პატარა ბავშვებთან ფიზიკური შეხვედრის შესაძლებლობა. თეორიულად არსებობდა წელიწადში ორი ხანგრძლივი პაემნით სარგებლობის შესაძლებლობა, თუმცა წამების პრევენციის კომიტეტის მიერ მონახულებულ #7 და #9 დანესებულებებში არ იყო შესაბამისი ინფრასტრუქტურა.<sup>51</sup>

რაც შეეხება მისჯილი პატიმრებისთვის ტელეფონით სარგებლობის უფლებას, სიტუაცია განსხვავებული იყო დანესებულებების მიხედვით: მაგ. #7 დანესებულებაში მსჯავრდებულებს შეეძლოთ თვეში სამჯერ ესარგებლათ სატელეფონო საუბრის უფლებით 20-დან 30 წუთამდე ხანგრძლივობით, ბათუმის #3 დანესებულებაში საუბრის მაქსიმალური ხანგრძლივობა იყო 15 წუთი.

2014 წლის ანგარიშში წამების პრევენციის კომიტეტი აღნიშნავს, რომ კიდევ ერთხელ სურს გაუსვას ხაზი, რომ სისტემა, სადაც გარე სამყაროსთან კონტაქტი განიხილება სასჯელის ნაწილად, ფუნდამენტურად არასწორია. „ყველა მისჯილ პატიმარს უნდა ჰქონდეს გარე სამყაროსთან კონტაქტით თანაბარი სარგებლობის შესაძლებლობა. კომიტეტმა მოუწოდა საქართველოს ხელისუფლებას შეეცვალა კანონმდებლობაზე მოთხოვნილი პრინციპების შესაბამისად.“ კომიტეტმა ასევე მოუწოდა სახელმწიფოს, შეეცვალა მოკლევადიანი პაემნების ინფრასტრუქტურა, რათა მსჯავრდებულებს მისცემოდათ შესაძლებლობა ვიზიტები გაემართათ ღია პირობებში, დახურულ პირობებში შესვდრა უნდა ყოფილიყო საგამონაკლისო და უნდა გამართულიყო მხოლოდ კარგად არგუმენტირებული გადაწყვეტილებით, კონკრეტული მსჯავრდებულისგან ან მნახველისგან მომდინარე რისკის ინდივიდუალურად შეფასების საფუძველზე. ანგარიშში ასევე აღნიშნულია, რომ კომიტეტი მნიშვნელოვნად მიიჩნევს ასევე შესაფერისი ინფრასტრუქტურის შექმნას გრძელვადიანი ვიზიტებისთვის და იძლევა მისჯილი პატიმრებისთვის სატელეფონო საუბრების ხელმისაწვდომობის უფლების გაუმჯობესების რეკომენდაციას.<sup>52</sup> კომიტეტის აზრით, პაემნის და სატელეფონო საუბრებისა და მიმონერის აკრძალვა, დე ფაქტო სამართლო საკანში მოთავსებასთან და მედიის ხელმისაწვდომობის აკრძალვასთან ერთად ქმნის მდგომარეობას, რომელიც უთანაბრდება არაადამიანურ და დამამცირებელ მოპყრობას.<sup>53</sup>

## საქართველოს სახალხო დამცველი ანგარიშები

2014 წლის ანგარიშში საქართველოს სახალხო დამცველი აღნიშნავს, რომ, აუცილებელია, გაძლიერდეს პატიმრების კონტაქტი გარე სამყაროსთან. მიუხედავად სახალხო დამცველის რეკომენდაციისა, რომ ხანმოკლე პაემანი განხორციელებულიყო მინის გამყოფი ბარიერის გარეშე, ხანმოკლე პაემანი კვლავ მინის გამყოფ ბარიერს მიღმა მიმდინარეობდა. ომბუდსმენის განმარტებით, მნიშვნელოვანია, ყველა სასჯელალსრულების დანესებულებაში მოეწიოს ხანგრძლივი პაემნისთვის საჭირო ინფრასტრუქტურა. ამ თვალსაზრისით განსაკუთრებულ პრობლემას წარმოადგენდა ქალთა და დახურული ტიპის თავისუფლების აღკვეთის დანესებულებები. სასჯელალსრულებისა და პრობაციის მინისტრს მიეცა რეკომენდაცია მაქსიმალურად შეეწყო ხელი უვადო პატიმრებისთვის შეენარჩუნებინათ ურთიერთობა ოჯახის წევრებთან.<sup>54</sup>

ომბუდსმენი აღნიშნავს, რომ საანგარიშო პერიოდში სპეციალური პრევენციული ჯგუფის მიერ დასავლეთ საქართველოში მდებარე სასჯელალსრულების დანესებულებებში ჩატარებული მონიტორინგების შედეგად დადგინდა, რომ პრობლემას წარმოადგენდა ხანმოკლე პაემნის დროს, დანესებულებათა უმრავლესობაში მინის ბარიერების არსებობა და აგრეთვე ოჯახის ვიზიტის დროს კონფიდენციალური გარემოს უზრუნველყოფის შეუძლებლობა. აგრეთვე ანგარიშში ხაზი გაესვა პატიმართა განთავსების დროს ოჯახის საცხოვრებელი ადგილის გაუთვალისწინებლობის პრობლემას. ომბუდსმენი ანგარიშში დადებითად აღნიშნავს, რომ 2014 წლის 16 აპრილს „პატიმრობის კოდექსში“ შევიდა ცვლილება, რომლის თანახმად დეპარტამენტის თავმჯდომარის თანხმობით, ბრალდებულს/მსჯავრდებულს შეეძლება მიეცეს იმ პირებთან ხანმოკლე პაემნის უფლება, რომლებიც გათვალისწინებული არ არიან კოდექსში არსებულ ახლო ნათესავთა ჩამონათვალში.

სახალხო დამცველი აღნიშნავს, რომ სასჯელალსრულების დანესებულებების უმეტესობაში ხანმოკლე პაემანი დგება შუშით გადატიხრულ ოთახში. ასეთ შემთხვევაში პატიმარი მოკლებულია ოჯახის წევრებთან ყოველგვარი ფიზიკური ურთიერთობის საშუალებას. თუმცა, გამონაკლის შემთხვევებში, ისეთი,

51 იქვე, ნაწ.116

52 იქვე, ნაწ.117.

53 იქვე, ნაწ.118.

54 საქართველოს სახალხო დამცველის 2014 წლის ანგარიში ქვეყანაში ადამიანის უფლებათა და თავისუფლებათა მდგომარეობის შესახებ, გვ 139.

როგორცაა მსჯავრდებულის ჯანმრთელობის მძიმე მდგომარეობა, მცირეწლოვან შვილთან შეხვედრა და ა.შ. ოჯახის წევრებთან უშუალო ფორმის ხანმოკლე პაემანი ხორციელდება დანესებულების დირექტორის ნებართვით. ომბუდსმენის აზრით, მიუხედავად იმისა, რომ ზოგიერთ შემთხვევაში აუცილებელია ფიზიკური გამყოფი ბარიერები, მნიშვნელოვანია, რომ ფიზიკური ურთიერთობის საშუალება იყოს აღიარებული ნორმა. გარდა ამისა, ნებისმიერი გადაწყვეტილება, რომლითაც ხდება ფიზიკური ურთიერთობის შეზღუდვა უნდა იყოს გონივრული, დასაბუთებული და პროპორციული იმ მიზნის მიღწევისა, რისთვისაც მსგავსი შეზღუდვა წესდება. სახალხო დამცველის აზრით, ფიზიკური ურთიერთობის შეზღუდვის შესახებ გადაწყვეტილება უნდა დაექვემდებაროს რეგულარულ გადახედვას.<sup>55</sup>

ანგარიშში აგრეთვე აღნიშნულია, რომ სასჯელაღსრულების დეპარტამენტის N8 დანესებულებაში არ არსებობს ხანგრძლივი პაემნისთვის საჭირო ინფრასტრუქტურა. ხანგრძლივი პაემნით სარგებლობენ მხოლოდ უვადოდ თავისუფლებააღკვეთილი მსჯავრდებულები. როგორც წესი, პატიმრების ოჯახის წევრებთან წინასწარი შეთანხმებით, თვეში ერთხელ ხდებოდა უვადო მსჯავრდებულების ტრანსპორტირება N6 დანესებულებაში, სადაც ეწყობოდა ხანგრძლივი პაემანი. სასჯელაღსრულების დეპარტამენტის N8 დანესებულების მსგავსად ხანგრძლივი პაემნის განხორციელებისთვის საჭირო ინფრასტრუქტურა არ იყო N7, N5, N18 და N19 დანესებულებებში. ომბუდსმენი აღნიშნავს, რომ სასჯელაღსრულების N18 დანესებულებაში განთავსებულნი არიან მსჯავრდებულები, რომლებიც იმყოფებიან ხანგრძლივი მოვლის განყოფილებაში და ინფრასტრუქტურის არარსებობის გამო ვერ სარგებლობენ მათთვის კანონით მინიჭებული უფლებით. ხანგრძლივი პაემნის რეალიზაციის უფლებით ვერ სარგებლობდნენ აგრეთვე დეპარტამენტის N7 დანესებულებაში განთავსებული უვადოდ თავისუფლებააღკვეთილი მსჯავრდებულები.<sup>56</sup> სახალხო დამცველი დადებითად აფასებს იმ ფაქტს, რომ საანგარიშო პერიოდში, სასჯელაღსრულების დეპარტამენტის N12 დანესებულებაში შეიქმნა ხანგრძლივი პაემნის განხორციელებისთვის სათანადო ინფრასტრუქტურა. ანგარიშში ასევე აღნიშნულია, რომ ხანგრძლივი პაემანი არ ეძლევა განსაკუთრებული რისკის თავისუფლების აღკვეთის დანესებულებაში განთავსებულ მსჯავრდებულს. საანგარიშო პერიოდში სპეციალური პრევენციული ჯგუფის მიერ სასჯელაღსრულების დეპარტამენტის N14 დანესებულებაში ჩატარებული მონიტორინგის დროს სოციალური განყოფილების თანამშრომლებმა მონიტორინგის ჯგუფს განუცხადეს, რომ დისციპლინური სახდელის სახით სამართლო საკანში მოთავსებულ მსჯავრდებულს პატიმრობის კოდექსის თანახმად, უფლება არ ჰქონდა ერთი წლის განმავლობაში ესარგებლა ხანგრძლივი პაემნის უფლებით. ომბუდსმენის აზრით, აშკარად სახეზეა შემოაღნიშნული პუნქტის არასწორი ინტერპრეტაცია, ვინაიდან ამ პუნქტში საუბარია იმ შემთხვევაზე, როდესაც მსჯავრდებულს შეფარდებული აქვს დისციპლინური სახდელი (დისციპლინური სახდელის ვადა გასული არ არის) და ხანგრძლივი პაემნის შეზღუდვა არ უნდა გავრცელდეს იმ შემთხვევაზე, როდესაც გასულია დისციპლინური სახდელის ვადა, თუნდაც მსჯავრდებულები სახდელდადებულად ითვლებოდეს.<sup>57</sup>

ომბუდსმენი აღნიშნავს, რომ პატიმრისა და მისი ოჯახის მძიმე ეკონომიკური მდგომარეობა, ხშირ შემთხვევაში, აბრკოლებს მსჯავრდებულთა მიერ ხანგრძლივი პაემნით სარგებლობის უფლების განხორციელებას, რაც პატიმრისთვის ოჯახთან მჭიდრო კონტაქტის შენარჩუნების ხელისშემშლელ ფაქტორს წარმოადგენს. სახალხო დამცველი მიესალმება იმ ფაქტს, რომ პატიმრობის კოდექსის 172-ე მუხლს დაემატა მე-11 ნაწილი: ხანგრძლივი პაემნით სარგებლობა შეიძლება განხორციელდეს საფასურის გადახდის გარეშე მინისტრის მიერ დადგენილი წესის შესაბამისად. ხანგრძლივი პაემნით სარგებლობისათვის დანესებული საფასურის გადახდისაგან თავისუფლდებიან სტუმრები, რომლებიც რეგისტრირებულნი არიან სოციალურად დაუცველი ოჯახების მონაცემთა ერთიან ბაზაში.<sup>58</sup>

რაც შეეხებათ ბრალდებულებს, ომბუდსმენი აღნიშნავს, რომ წინასწარ პატიმრობაში მყოფი ბრალდებულებისთვის ხანგრძლივი პაემნით სარგებლობის ზოგადი აკრძალვა გაუმართლებელია. ყოველივე შემოაღნიშნულიდან გამომდინარე, ომბუდსმენი მიიჩნევს, რომ პატიმრობის კოდექსში უნდა განხორციელდეს ცვლილება და გამოძიების ინტერესების გათვალისწინებით, განისაზღვროს პატიმრობაში მყოფი ბრალდებულების მიერ ხანგრძლივი პაემნით სარგებლობის წესი.<sup>59</sup>

2014 წლისთვის სახალხო დამცველი გასცემდა რეკომენდაციას, ხანგრძლივი პაემნის უფლების განხორციელების მიზნით, საქართველოს სასჯელაღსრულების, პრობაციისა და იურიდიული დახმარების საკითხთა სამინისტროს, არა უგვიანეს 2015 წლის 31 დეკემბრისა, უზრუნველყო საჭირო პირობების შექმნა და ხანგრძლივი პაემნის უფლების განხორციელება ქალთა და დახურული ტიპის თავისუფლების აღკვეთის დანესებულებებში.<sup>60</sup>

ანგარიშში ომბუდსმენი მიუთითებდა, რომ 2014 წლისთვის სასჯელაღსრულების მხოლოდ 4 დანესებულებაში (სასჯელაღსრულების N5, N11, N15 და N17 დანესებულებებში) იყო ვიდეოპაემნის განხორციელებისთვის საჭირო ინფრასტრუქტურა.<sup>61</sup> გარკვეული სირთულეები იყოს სატელეფონო საუბრებთან დაკავშირებითაც. კერძოდ, თუ პატიმარი ერთ სატელეფონო ბარათზე ვერ ამოწურავდა

55 იქვე, გვ 140-141.  
56 იქვე, გვ 144-145.  
57 იქვე, გვ 146.  
58 იქვე, გვ 146.  
59 იქვე, გვ147.  
60 იქვე, გვ 146.  
61 იქვე, გვ148.

სასაუბრო ლიმიტს, მას დარჩენილი ლიმიტი ებლოკებოდა, შესაბამისად აღარ ჰქონდა დამატებითი სატელეფონო ზარის განხორციელების საშუალება და იძულებული ხდებოდა შეეძინა ახალი ბარათი, რაც დამატებით ხარჯებთან იყო დაკავშირებული. სატელეფონო ბარათი ასევე იბლოკებოდა თუ პატიმარი ბარათით განხორციელებული სატელეფონო ზარების ფარგლებში ვერ მოახერხებდა საუბარს (სატელეფონო კავშირის განწყვეტის, არასწორი ნომრის აკრეფის ან სხვა მიზეზების გამო). პრევენციის ეროვნული მექანიზმის მიერ განხორციელებული მონიტორინგის შედეგად დაფიქსირდა, რომ დაწესებულების ტერიტორიაზე არსებულ მაღაზიაში მუდმივად იყო სატელეფონო ბარათების დეფიციტი, რაც ხელს უშლიდა პატიმრებს შეუზღუდავად ესარგებლათ მათთვის მინიჭებული უფლებით.

ომბუდსმენი მიიჩნევდა, რომ განსაკუთრებული მნიშვნელობა აქვს საქართველოს სახალხო დამცველის აპარატიდან გაგზავნილი კორესპონდენციის კონფიდენციალობის დაცვის საკითხს. მიუხედავად კანონში არსებული ჩანაწერისა, სპეციალური პრევენციული ჯგუფის მიერ ჩატარებული მონიტორინგების დროს გამოვლინდა სასჯელაღსრულების დაწესებულებებში სახალხო დამცველის აპარატის კორესპონდენციის კონფიდენციალურობის დარღვევა. საანგარიშო პერიოდის განმავლობაში საჩივრის ყუთის საშუალებით გაგზავნილი იქნა 3 135 წერილი. უნდა აღინიშნოს, რომ წერილების 50% გაიგზავნა N17, ხოლო 47% - N15 დაწესებულებებიდან. სხვა დაწესებულებებში საჩივრების ყუთით პატიმრები პრაქტიკულად არ სარგებლობდნენ.<sup>62</sup>

### საქართველოს სახალხო დამცველის 2015 წლის ანგარიში ადამიანის უფლებათა მდგომარეობის შესახებ

2015 წლის ანგარიშში, სახალხო დამცველი იმეორებს, რომ კვლავ აქტუალურია მინის ბარიერის, პატიმართა განთავსების დროს ოჯახის საცხოვრებელი ადგილის გაუთვალისწინებლობისა და პაემნების კონფიდენციალობის პრობლემა. სახალხო დამცველი განმარტავს, რომ დასავლეთ საქართველოში მდებარე პენიტენციურ დაწესებულებებში პაემნის უფლებით სარგებლობასთან დაკავშირებული პრობლემები ძირითადად აღმოსავლეთ საქართველოდან გადაყვანილ პატიმრებს აქვთ.<sup>63</sup>

ომბუდსმენი აღნიშნავს, რომ მსჯავრდებულები N8 და N9 დახურული ტიპის თავისუფლების აღკვეთის დაწესებულებებში, ინფრასტრუქტურის არარსებობის გამო, ვერ სარგებლობენ ხანგრძლივი პაემნით, ამასთან ხანგრძლივი პაემანი კვლავაც არ ეძლევათ განსაკუთრებული რისკის დაწესებულებაში მოთავსებულ პატიმრებს. სახალხო დამცველის აზრით, მნიშვნელოვანია, შევიდეს ცვლილებები და დახურული ტიპის, ასევე განსაკუთრებული რისკის დაწესებულებაში განთავსებულ მსჯავრდებულებს მიეცეთ დამატებით ხანმოკლე პაემანი. 2015 წლის განმავლობაში პენიტენციურ დაწესებულებებში სულ განხორციელდა 40 897 ხანმოკლე პაემანი.<sup>64</sup>

საქართველოს სახალხო დამცველმა 2014 წლის საპარლამენტო ანგარიშში რეკომენდაციით მიმართა სასჯელაღსრულებისა და პრობაციის მინისტრს, რათა ყველა პენიტენციურ დაწესებულებაში უზრუნველყო ხანგრძლივი პაემნის განხორციელებისთვის შესაბამისი ინფრასტრუქტურა. 2015 წლისთვის აღნიშნული პრობლემა კვლავ რჩებოდა დახურული ტიპის პენიტენციურ დაწესებულებებში, თუმცა N5 პენიტენციურ დაწესებულებაში შეიქმნა ხანგრძლივი პაემნის განხორციელებისთვის შესაბამისი ინფრასტრუქტურა.<sup>65</sup> სახალხო დამცველი აღნიშნავს, რომ პატიმრობის კოდექსის დათქმა, რომელიც განსაკუთრებული რისკის დაწესებულებაში განთავსებულ მსჯავრდებულებს უკრძალავს ხანგრძლივი პაემნით სარგებლობის უფლებას, წარმოადგენს ბლანკეტური ხასიათის პირდაპირ შემზღვევას, რომელიც არ იძლევა ლეგიტიმური მიზნის გათვალისწინების შესაძლებლობას. „პირდაპირი კონტაქტის ხანგრძლივი პერიოდით აკრძალვა შესაძლებელია გამართლებული იყოს, როდესაც არსებობს უსაფრთხოებასთან დაკავშირებული რეალური და განგრძობადი რისკი. სახელმწიფოს არ აქვს თავისუფალი შესაძლებლობა დააწესოს ზოგადი ხასიათის შემზღვევები, იმის დადგენის გარეშე, არის თუ არა კონკრეტულ შემთხვევებში შემზღვევები შესაბამისი ან აუცილებელი. სახალხო დამცველის აზრით, პატიმრობის კოდექსში არსებული აკრძალვა უფრო დამატებითი სასჯელის ხასიათს ატარებს, ვიდრე უსაფრთხოების ზომას. აღნიშნულიდან გამომდინარე, ყველა ტიპის დაწესებულების პატიმრისათვის ნორმას უნდა წარმოადგენდეს ოჯახთან კონტაქტის, მათ შორის ხანგრძლივი პაემანის განხორციელების შესაძლებლობა. შესაბამისად, სახალხო დამცველი მიიჩნევდა, რომ აუცილებელი იყო ცვლილებები შესულიყო პატიმრობის კოდექსში და განხორციელებულიყო აღნიშნული პრინციპების სრულფასოვანი ასახვა.<sup>66</sup>

2015 წელს კვლავ პრობლემად რჩებოდა იმ პუნქტის არასწორი ინტერპრეტაცია, როდესაც დისციპლინური სახდელის სახით სამართლო საკანში მოთავსებულ მსჯავრდებულს უფლება არ ჰქონდა ერთი წლის განმავლობაში ესარგებლა ხანგრძლივი პაემნის უფლებით. ხანგრძლივი პაემნის განხორციელებისთვის საჭირო ინფრასტრუქტურა არ იყო N7; N8; N18 და N19 დაწესებულებებში. სასჯელაღსრულების N3 დაწესებულებაში ხანგრძლივი პაემნის განხორციელება დაიწყო 2014 წლის მაისის თვიდან. N5 დაწესებულებაში ხანგრძლივი პაემნის განხორციელება დაიწყო 2015 წლის 31 დეკემბერს.<sup>67</sup>

62 იქვე, 149-150.

63 საქართველოს სახალხო დამცველის 2015 წლის ანგარიში ადამიანის უფლებათა მდგომარეობის შესახებ, გვ 146.

64 იქვე, გვ 147.

65 იქვე, გვ 148.

66 იქვე, გვ 149-150.

67 იქვე, გვ 151.

2015 წლისთვის 2014 წლის მსგავსად მხოლოდ N5 პენიტენციურ დაწესებულებაში (N5, N11, N15, N16 და N17 დაწესებულებებში) იყო ვიდეოპაემნის განხორციელებისთვის საჭირო ინფრასტრუქტურა.<sup>68</sup>

ომბუდსმენი აღნიშნავს, რომ სატელეფონო ზარების განხორციელების დროს პატიმრებს კვლავ პრობლემები ექმნებათ სასაუბრო ლიმიტთან დაკავშირებით. ანგარიშის თანახმად, ნახევრად ღია ტიპის თავისუფლების აღკვეთის დაწესებულებაში პატიმართა მიერ სატელეფონო ზარების განხორციელების დროს განსაკუთრებულ პრობლემას წარმოადგენს ტელეფონის აპარატების სიმცირე. სპეციალური პრევენციული ჯგუფის წევრებთან საუბრისას პატიმრებმა განაცხადეს, რომ მსჯავრდებულებს უწევთ რიგში დგომა და ხშირად პატიმართა ნაწილი ვერ ახერხებს დროულად ისარგებლოს მისთვის კანონით მინიჭებული უფლების რეალიზებით. რაც შეეხება დახურული ტიპის თავისუფლების აღკვეთის დაწესებულებებს, აქ ტელეფონის აპარატები განთავსებული იყო დაწესებულების თანამშრომელთა სამორიგეო ოთახში და შეუძლებელი იყო საუბრის კონფიდენციალობის დაცვა. ომბუდსმენი აღნიშნავს, რომ პრაქტიკაში ხშირია შემთხვევები, როდესაც სამართლო საკანში მოთავსებულ პატიმრებს არ შეუძლიათ სატელეფონო ზარი განახორციელონ სახალხო დამცველის აპარატში. დაწესებულებებში ვიზიტის დროს პატიმრები მიუთითებდნენ, რომ სატელეფონო საუბრის შეზღუდვა ვრცელდებოდა სახალხო დამცველის აპარატსა და ინსპექტირების სხვა ორგანოებზეც. პატიმრობის კოდექსის 98-ე მუხლის მე-5 ნაწილის თანახმად, ბრალდებულს/მსჯავრდებულს უფლება აქვს, ნებისმიერ დროს მიმართოს საჩივრით საქართველოს სახალხო დამცველს/სპეციალურ პრევენციულ ჯგუფს. ამავდროულად კანონის 82-ე მუხლის თანახმად კი, დისციპლინური გადაცდომისთვის პირადი კორექციონის შეზღუდვა არ ვრცელდება იმ კორექციონდენციაზე, რომლის ადრესატი ან ადრესანტი არის საქართველოს სახალხო დამცველი. ომბუდსმენი აღნიშნავს, რომ მსგავსი დათქმა არ არის სატელეფონო ზართან დაკავშირებით. მნიშვნელოვანია, რომ კანონმდებლობაში შევიდეს ცვლილება, იმ მიზნით რომ პატიმარს რომელიც იმყოფება სამართლო საკანში მიეცეს სახალხო დამცველთან ნებისმიერი ფორმით, მათ შორის სატელეფონო ზარით დაკავშირების შესაძლებლობა.

სასჯელაღსრულებისა და პრობაციის მინისტრის 2015 წლის 27 აგვისტოს N119; N116; N117 ბრძანების მე-17 მუხლის მე-4 ნაწილის შესაბამისად, დევსკალაციის ოთახში მოთავსება არ არის ბრალდებულისთვის/მსჯავრდებულისათვის საქართველოს კანონმდებლობით მინიჭებული რომელიმე უფლების ავტომატურად შეზღუდვის საფუძველი, თუმცა ომბუდსმენის განმარტებით, პრაქტიკაში დევსკალაციის ოთახში მოთავსებულ პატიმარს გარე სამყაროსთან კონტაქტი სრულად ეზღუდება. მაგალითად, N8 დაწესებულებაში ვიზიტისას სპეციალური პრევენციული ჯგუფის წევრებთან საუბრის დროს პატიმრებმა განაცხადეს, რომ დევსკალაციის ოთახში მოთავსების შემთხვევაში მათ არ შეეძლოთ კორექციონდენციის გაგზავნა, ასევე ტელეფონით და პაემნით სარგებლობა, რაც კანონმდებლობის უხეში დარღვევაა.<sup>69</sup>

### **საქართველოს სახალხო დამცველის 2016 წლის ანგარიში ქვეყანაში ადამიანის უფლებათა მდგომარეობის შესახებ**

2016 წლის ანგარიშში აღნიშნულია, რომ N6 და N8 პენიტენციური დაწესებულებებისაგან განსხვავებით, N7 პენიტენციურ დაწესებულებაში მყოფი უვადოდ თავისუფლება აღკვეთილი მსჯავრდებულები, წინა წლების მსგავსად, ვერ სარგებლობდნენ ხანგრძლივი პაემნის უფლებით. უვადოდ თავისუფლება აღკვეთილი პირებისათვის კანონმდებლობით დადგენილი იყო ნაკლები რაოდენობის პაემნის და სატელეფონო საუბრის განხორციელების შესაძლებლობა. ომბუდსმენი დადებითად აფასებს იმ ფაქტს, რომ 2016 წლის 1 იანვრის შემდეგ, ბრალდებულების მიერ ხანმოკლე პაემნის, მიმოწერის და სატელეფონო ზარების უფლების განსახორციელებლად აღარ იყო საჭირო გამოძიების, პროკურორის ან სასამართლოს ნებართვის მიღება. თუმცა იქვე აღნიშნავს, რომ არ არის შესრულებული სახალხო დამცველის წინადადება ბრალდებულისათვის ხანგრძლივი პაემნით სარგებლობის უფლების მინიჭების თაობაზე.

2016 წელს კვლავ პრობლემას წარმოადგენდა პატიმართა განთავსებისას ოჯახის საცხოვრებელი ადგილის გაუთვალისწინებლობა, ასევე ხანმოკლე პაემნის მინიმალური გადატიხრულ ოთახებში ჩატარება.. აღსანიშნავია, რომ ვიდეოპაემნისთვის საჭირო ინფრასტრუქტურა ისევ მხოლოდ N5 პენიტენციურ დაწესებულებაში იყო. 2016 წელს N8, N9, N18 და N19 დაწესებულებებში მოთავსებულ მსჯავრდებულებს საშუალება ჰქონდათ ესარგებლათ ხანგრძლივი პაემნით იმ დაწესებულებებში, სადაც მოწყობილი იყო სათანადო ინფრასტრუქტურა, თუმცა კვლავ გამოწვევად რჩებოდა დახურული ტიპის პენიტენციურ დაწესებულებებსა და სამკურნალო დაწესებულებებში ხანგრძლივი პაემნის ინფრასტრუქტურის მოწყობა.<sup>70</sup> ხანგრძლივი პაემანი კვლავ არ ეძლეოდა განსაკუთრებული რისკის თავისუფლების აღკვეთის დაწესებულებაში განთავსებულ მსჯავრდებულს.

ომბუდსმენი ასევე საუბრობს დახურული ტიპის დაწესებულებებში სატელეფონო ზარების კონფიდენციალობის პრობლემაზე. ის განმარტავს, რომ კვლავ პრობლემას წარმოადგენს დევსკალაციის ოთახში მოთავსებული პატიმრების მიერ სახალხო დამცველთან კორექციონდენციის გაგზავნა და სატელეფონო ზარების განხორციელება. აქვე აღსანიშნავია, რომ პატიმრებს საშუალება არ

68 იქვე, გვ 152.

69 იქვე, გვ 153-154.

70 საქართველოს სახალხო დამცველის 2016 წლის ანგარიში ქვეყანაში ადამიანის უფლებათა მდგომარეობის შესახებ, გვ 144.



ჰქონდათ სახალხო დამცველის აპარატისა და ინსპექტირების სხვა ორგანოების ცხელ ხაზზე დაერეკათ ღამის საათებში. მსჯავრდებულს კვლავაც არ ეძლეოდა ხანგრძლივი პაემნითა და ვიდეოპაემნით სარგებლობის უფლება, თუ მას დაკისრებული ჰქონდა დისციპლინური სახდელი ან/და შეფარდებული ჰქონდა ადმინისტრაციული პატიმრობა.<sup>71</sup>

ომბუდსმენი აღნიშნავს, რომ ბრალდებული 2016 წლის 1 იანვრიდან 1 თვის განმავლობაში არა უმეტეს 4 ხანმოკლე პაემნის უფლებით სარგებლობს, რაც ომბუდსმენის აზრით ცალსახად პოზიტიური ცვლილებაა და დადებითად აისახება როგორც ბრალდებულთა კავშირის შენარჩუნებაზე ოჯახის წევრებთან, ისე სტრესის შემცირებაზე.<sup>72</sup>

ომბუდსმენი მისალმება იმ ფაქტს, რომ 2016 წელს, N8, N9, N18 და N19 დაწესებულებებში განთავსებული მსჯავრდებულები ხანგრძლივი პაემნით შესაბამისი ინფრასტრუქტურის მქონე დაწესებულებაში სარგებლობდნენ. რაც შეეხება N7 პენიტენციურ დაწესებულებაში განთავსებულ უვადოდ თავისუფლებააღკვეთილ პირებს, ისინი ხანგრძლივი პაემნით სარგებლობისთვის, სხვა დაწესებულებაში არ გადაჰყავდათ. საქართველოს სახალხო დამცველმა 2014 და 2015 წლების საპარლამენტო ანგარიშებში რეკომენდაციით მიმართა სასჯელაღსრულებისა და პრობაციის მინისტრს, ყველა პენიტენციურ დაწესებულებაში უზრუნველყო ხანგრძლივი პაემნის განხორციელებისთვის შესაბამისი ინფრასტრუქტურა. საქართველოს სასჯელაღსრულებისა და პრობაციის სამინისტროს პასუხის თანახმად, N8 პენიტენციურ დაწესებულებაში შესაბამისი ინფრასტრუქტურის მოწყობის მიზნით, ტარდებოდა საჭირო ღონისძიებები. თუმცა აღნიშული პრობლემა კვლავ რჩებოდა დახურული ტიპის პენიტენციურ დაწესებულებებსა და სამკურნალო დაწესებულებებში. პრობლემად რჩებოდა ასევე განსაკუთრებული რისკის თავისუფლების აღკვეთის დაწესებულებაში განთავსებულ მსჯავრდებულებისთვის ხანგრძლივი პაემნის მიცემის საკითხი. ანგარიშში აღნიშნულია, რომ სასჯელაღსრულების სამინისტრო იზიარებდა აღნიშნულ პოზიციას და იგეგმებოდა „პატიმრობის კოდექსში“ ცვლილებების შეტანა, რომლის მიხედვითაც განსაკუთრებული რისკის დაწესებულებაში მოთავსებული მსჯავრდებულისთვის გათვალისწინებული იქნებოდა წელიწადში ერთი ხანგრძლივი პაემანი და დამატებით ერთი პაემანი წახალისების მიზნით, რაც დღეისთვის კანონმდებლობით უკვე გათვალისწინებულია.<sup>73</sup>

ხანგრძლივი პაემნით სარგებლობასთან დაკავშირებით, კვლავ არასწორად ხდებოდა დისციპლინური სახდელის სახით სამართლო საკანში მოთავსების შემთხვევაში, ერთი წლით ხანგრძლივი პაემნის აკრძალვა.

სახალხო დამცველი დადებითად აფასებდა ხანგრძლივი პაემნით სარგებლობისათვის დაწესებული საფასურის გადახდისაგან იმ სტუმრების გათავისუფლებას, რომლებიც რეგისტრირებულნი არიან სოციალურად დაუცველი ოჯახების მონაცემთა ერთიან ბაზაში თუმცა, ომბუდსმენი აღნიშნავს, რომ ამის მიუხედავად, ოჯახის მძიმე ეკონომიკური მდგომარეობა პატიმრების ნაწილს აბრკოლებს ისარგებლოს მათთვის კანონით მინიჭებული ხანგრძლივი პაემნის უფლებით.<sup>74</sup> ომბუდსმენმა დადებითად შეაფასა N8 და N14 დაწესებულებებში ვიდეოპაემნისთვის შესაბამისი ინფრასტრუქტურის შექმნა.<sup>75</sup>

ანგარიშში აღნიშნულია, რომ სპეციალური პრევენციული ჯგუფის წევრებთან გასაუბრების დროს პატიმრები, რომელთაც განსაზღვრული აქვთ საშიშროების მაღალი რისკი, უკმაყოფილებას გამოთქვამდნენ თვეში მხოლოდ ერთი 10-ნუთიანი სატელეფონო ზარის უფლების გამო. სახალხო დამცველის აზრით, იმ პირობებში, როდესაც მაღალი რისკის მსჯავრდებულებს არ ეძლევათ ხანგრძლივი პაემნის უფლება, ერთი თვის განმავლობაში მხოლოდ ერთი ხანმოკლე პაემნით და ერთი სატელეფონო ზარით სარგებლობის უფლება ვერ უზრუნველყოფს მათ მიერ ოჯახთან სათანადო ურთიერთობის შენარჩუნებას. ამდენად, ომბუდსმენს მნიშვნელოვნად მიაჩნდა პატიმრობის კოდექსში შესაბამისი ცვლილებების შეტანა და ამ კატეგორიის პატიმრებისთვის ერთი თვის განმავლობაში გათვალისწინებული სატელეფონო ზარების რაოდენობის გაზრდა. მსჯავრდებულთა განმარტებით, შეზღუდვები ვრცელდებოდა ასევე საჭარო დაწესებულებებთან დაკავშირებაზეც, მათ შორის, საქართველოს სახალხო დამცველთან, ასევე, ადვოკატთან ზარის განხორციელებაზე. აქვე აღსანიშნავია, რომ პატიმრებს კვლავაც არ ჰქონდათ საშუალება სახალხო დამცველის აპარატისა და ინსპექტირების სხვა ორგანოების ცხელ ხაზზე დაერეკათ ღამის საათებში. სახალხო დამცველი განმარტებით, სამართლო საკანში მოთავსებულ პატიმრებს არ შეეძლოთ სახალხო დამცველის აპარატში დარეკვა.<sup>76</sup>

კვლავ პრობლემად რჩებოდა დეესკალაციის ოთახში მოთავსებული პატიმრის გარე სამყაროსთან კონტაქტის სრულად შეზღუდვა. სახალხო დამცველს მიაჩნია, რომ დაუშვებელია დასჯის მიზნით უსაფრთხოების ღონისძიებების გამოყენება.

ნახევრად ღია ტიპის თავისუფლების აღკვეთის დაწესებულებაში პატიმართა მიერ სატელეფონო ზარების განხორციელების დროს განსაკუთრებულ პრობლემას ქმნიდა ტელეფონის აპარატების სიმცირე. რაც შეეხება დახურული ტიპის თავისუფლების აღკვეთის დაწესებულებებს, აქ ტელეფონის აპარატები,

71 იქვე, გვ 144.

72 იქვე, გვ 146.

73 იქვე, გვ 148.

74 იქვე, გვ 150.

75 იქვე, გვ 151.

76 იქვე, გვ 154-155.

წინა წლების მსგავსად, განთავსებული იყო დაწესებულების თანამშრომელთა სამორიგეო ოთახში და შეუძლებელი იყო საუბრის კონფიდენციალობის დაცვა.<sup>77</sup>

საქართველოს სახალხო დამცველს მიზანშეწონილად არ მიაჩნდა ბრალდებულებს/მსჯავრდებულებს შორის მიმოწერის აკრძალვა. მისი ზრით, შესაძლებელია ამ ტიპის კომუნიკაცია შეიზღუდოს მხოლოდ გამონაკლის შემთხვევებში, კონკრეტული ფაქტებისა და გარემოებების არსებობისას, რაც დასაბუთებული უნდა იყოს ინდივიდუალურად.

პენიტენციურ დაწესებულებებში განხორციელებული მონიტორინგების დროს, სპეციალური პრევენციული ჯგუფის წევრებთან საუბრისას პატიმრები აღნიშნავდნენ, რომ მათთვის ხელმიუწვდომელი იყო ზოგიერთი რეიტინგული ქართული არხი. გარდა ამისა, ეთნიკური უმცირესობის წარმომადგენლებს არ ჰქონდათ საშუალება მათთვის გასაგებ ენაზე მოესმინათ ტელეგადაცემებისთვის. რაც შეეხება პრესას, ომბუდსმენი აღნიშნავს, რომ N7, N9, N12 და N14 დაწესებულებები საერთოდ არ მარაგდებოდა ჟურნალ-გაზეთებით. ომბუდსმენის აზრით, აუცილებელია, რომ დაწესებულებებში არსებული ჟურნალ-გაზეთები იყოს მრავალფეროვანი, ამასთან იყოს სხვადასხვა ენაზე, რათა ყველა პატიმარს ჰქონდეს შესაძლებლობა, სურვილის შემთხვევაში გაეცნოს მათ.<sup>78</sup>

### **საქართველოს სახალხო დამცველის 2017 წლის ანგარიში ქვეყანაში ადამიანის უფლებათა მდგომარეობის შესახებ**

ომბუდსმენი მიესალმება განსაკუთრებული რისკის დაწესებულებაში მოთავსებულ მსჯავრდებულებისთვის ხანგრძლივი პაემნით სარგებლობის უფლების მინიჭებასა და სატელეფონო საუბრით სარგებლობის ოდენობისა და ხანგრძლივობის გაზრდას. ამავდროულად, მიუთითებს, რომ კვლავ პრობლემურია ხანმოკლე პაემნის ოთახებში მინის ბარიერის არსებობა და პატიმართა განთავსებისას ოჯახის საცხოვრებელი ადგილის გაუთვალისწინებლობა (სპეციალური პენიტენციური დეპარტამენტიდან მიღებული ინფორმაციის თანახმად, ისინი არ აწარმოებენ სტატისტიკას თუ რამდენი პატიმარი იქნა განთავსებული საცხოვრებელ სახლთან ახლოს), ოჯახის ვიზიტის დროს კონფიდენციალური გარემოს არარსებობა, სატელეფონო საუბრის კონფიდენციალურობის დარღვევა, ბიბლიოთეკებში პერიოდული პრესის ხელმიუწვდომლობა, სატელევიზიო არხების არამრავალფეროვნება (მათ შორის, ენობრივი თვალსაზრისით).

პრევენციის ეროვნული მექანიზმის ანგარიშის თანახმად, ხანგრძლივი პაემნით კვლავ ვერ სარგებლობენ N18 დაწესებულებაში მოთავსებული მსჯავრდებულები. დაწესებულებაში მსჯავრდებულები შესაძლოა მოთავსებულნი იყვნენ ხანგრძლივი დროით, ამ შემთხვევაში მათ უნდა ჰქონდეთ შესაძლებლობა ისარგებლონ ხანგრძლივი პაემნით მათთვის განსაზღვრული საშიშროების რისკის შესაბამისად. ვიდეოპაემნით სარგებლობა შეეძლოთ N5, N8, N11, N15, N16 და N17 დაწესებულებებში მოთავსებულ მსჯავრდებულებს, სხვა დაწესებულებებში აღნიშნული უფლებით სარგებლობა ინფრასტრუქტურის არარსებობის გამო შეუძლებელია. ამასთან, ვიდეოპაემანი არ ეძლეოდათ განსაკუთრებული რისკის დაწესებულებაში მოთავსებულ მსჯავრდებულებს.<sup>79</sup>

### **სტატისტიკური ინფორმაცია**

სამინისტროს ვებ გვერდიდან მიღებული ინფორმაციის თანახმად, 2014 წლის განმავლობაში, ბრალდებულებმა და მსჯავრდებულებმა პაემნის უფლებით 50 369-ჯერ ისარგებლეს. მათგან უმეტესობა ხანმოკლე პაემანზე მოდის (44750), ხოლო შედარებით მცირე მაჩვენებლით ხასიათდება ხანგრძლივი (5328) და ვიდეო პაემნები (291).

2015 წლის განმავლობაში, ბრალდებულებმა და მსჯავრდებულებმა პაემნის უფლებით 47 535-ჯერ ისარგებლეს. მათგან, უმეტესობა ხანმოკლე პაემანია (41354), შედარებით მცირე რაოდენობით გაიმართა ხანგრძლივი (5832) და ვიდეო პაემნები (349).

2016 წლის განმავლობაში, ბრალდებულებმა და მსჯავრდებულებმა პაემნის უფლებით 45 930-ჯერ ისარგებლეს. აქედან (39970) ხანმოკლე პაემანი, (5431) ხანგრძლივი პაემანი, (521) ვიდეო და (8) საოჯახო პაემანი.

უნდა აღინიშნოს, რომ სტატისტიკურ ინფორმაციასა და სამინისტროდან გადმოგზავნილ მონაცემებს შორის არსებობს მნიშვნელოვანი ცდომილებები, რაც შეუძლებელს ხდის სანდო მონაცემების განსაზღვრას (ყველაზე მცირე ცდომილების დროს, რიცხვები ფაქტობრივად გაორმაგებულია, გვხვდება ასევე სამმაგი და ხუთმაგი ცდომილებაც).

77 იქვე, გვ 155.

78 იქვე, გვ 156-157.

79 საქართველოს სახალხო დამცველის 2017 წლის ანგარიში ქვეყანაში ადამიანის უფლებათა მდგომარეობის შესახებ, გვ 50.

